

76869

第柒册

卷十三

良吏

武功

卷十四


篤行

文學

忠義

甯陽續志

光緒十三年重增修



甯陽縣志卷十三

良吏傳

宋

姜潛

姜潛字至之奉符太平鎮人也

即今甯陽縣東北七十里之西太平村初

與李緝同師石介讀易徂徠山中後緝為奉符尉時六月暴雨山潦漲發鎮所被水潛宅尤甚潛扶持老母及妻子弟妹出沒水中走四里餘就阜以避緝聞乃囊麪饋之並借弓手營救潛及家人得免於厄緝因以私役

甯陽縣志

卷之十三

良吏傳

一

人得罪石介為作朋友解

介與孔徐州書云有姜潛者故史館嶼之姪也介素所畏

服其人存心篤道好學服善樂死忠義能守志節亦能佐閣下行道者也

後潛以田况薦召

試學士院為明州錄事參軍母病思鄉求致仕吳奎韓絳共薦乃徙兗州又薦為國子監直講神宗聞其賢召

訪以治道對曰有堯舜二典在顧陛下致之之道何如

知陳留數月青苗令下潛知民不願出榜縣門已乃徙

之鄉落各三日無應者遂撤榜付吏不放一錢司農開

封各遣其屬來驗對皆如初條例司劾以沮格潛知不

免移疾竟去邑人詣府留之不得卒年六十六

據石介朋友解



及泰安縣志 又陸友墨史姜潛字至之兗州人隱居
奉符之太平鎮文潞公通判州事日訪墨於姜姜曰近
頗難得當求佳煤自製久之攜紙囊訪公曰此卽煤也
瀉之則盈盤按之則如故又曰此亦可以如茶啜之無
害公如其言啜一茶甌頃忽發欬聲香氣上襲芳馥如
麝姜曰此所謂麝煤也研麝入者傳之誤矣墨成頗珍
惜之

趙克讓

趙克讓奉符人 克讓邑之夏戴村人 初由河間運司海
有趙氏封贈碑現存

運場管勾爲吏部知印擢遵化主簿泰定間遷汶上尹

崇教化抑兼并惠窮獨扶善良弭姦盜撫循勞來號爲

甯陽縣志

卷之十三 良吏傳

二

稱職吏民爲建德政善政去思三碑至今崇祀汶上名

宦祠

據封贈碑及汶上縣志

明

紀 律 許 英 孟 統 程 觀 王 正 容

吳道昌 張彝訓 吳以諒 周紹業 朱宗時

紀律倜儻有氣岸洪武中由歲貢累官工部郎中督漕

有法權貴不能撓遇事敢言時稱紀郎中口以其無所

畏避也致仕歸橐無餘貲室廬不治朝野服其清白

許英字俊之洪武中由歲貢知武鄉縣持躬嚴正禁苞

直戢奸暴治聲大起擢知沁州張弛有條民安其政公
餘親巡鄉聚訓子弟課耕桑有不足者輒補助之

孟統字儒宗

邑城北街人

洪武中由歲貢為蒙城丞守潔政

舉攝知五河縣平刑減徭招徠振貸民頌其仁有裴生
居易者才而嗜學貧不能婚出俸金飲助為擇朱氏女
配之後居易領鄉薦旋卒朱矢貞不二無負所知在任
九年遷知咸陽縣一錢不受百廢俱興民至今稱之政
績載咸陽志尋擢判漢中府改判太原府陞知荆門州
卒官百姓建祠祀之並祀五河名宦邑鄉賢

甯陽縣志

卷之十三

良吏傳

三

程觀字文昇

邑北門外程家園人

宏治中由舉人選授蒲州學正

以禮讓訓迪諸生咸樂其教課最遷知廣靈縣治有能
名擢知汾州尋調知解州為政嚴明發奸摘伏吏民畏
悅孝宗親書姓名以誌良吏

王正容字德輝賢裔孫

賢見列傳

少英敏讀書默記不忘習

舉業厭薄時尙獨崇典雅嘉靖辛丑成進士以魯藩姻

戚

正容四子餘祖為魯府儀賓

例不獲京職出知裕州地衝而疲正

容禮接士大夫治民寬猛並濟劑量得平改判松江府
攝知府事廉介自持編審華亭徭役鉤剔積弊悉發影

射詭寄之奸時論神之年四十遽投劾歸築室於邑城
之西隅閉門卻軌以詩酒自娛於世情澹如也弟正色
夫婦早卒撫孤姪如己子王子嘉靖三
十一年大饑捐貲振卹
貧族寒士多所全濟子五人長法祖由選貢仕至知州
見三等
貢錄

吳道昌字西河博學能文嘉靖中由歲貢授蒲州判未
幾改判鄧州以廉明著稱遷知安塞縣士民遮道攀留
依依不忍捨安塞地處西陲道昌內奠民生外消戎衅
邊隅獲安及解組東歸行李蕭然襍被琴書而已所著

寧陽縣志

卷之十三

良吏傳

四

有養生論默泉詩文稿藏於家弟道東自有傳

見篤
行

張彝訓字天敘

邑東礪
西村人

聰敏嗜學淹雅能文隆慶辛未

成進士除知撫甯縣調補博野縣內遷戶部主事積資

陞郎中累官陝西參議

參議者布政司參議也秩四
品舊志不著任所今無考

和

易近民民便其政冰蘖自矢謝政東歸行李蕭然卒於

家

府志傳云每厯一任卽罄其餘資隨厚
薄遞置莊田分給族鄰號曰張氏義莊

吳以諒字葵田孟祺仲孫

孟祺見
列傳

穎敏積學萬厯中由

歲貢授上元丞號爲稱職擢知平鄉縣治尙寬簡獄訟
衰息課最遷歸德府同知至則釐弊剔奸雷厲風行治

聲大起撫按疏薦加四品服俸推本郡知府未上卒子
應亨應隆皆庠生

周紹業字伯祧

邑東南韋週村人

天資聰穎讀書目五行俱下

過輒成誦萬曆丙子舉人由校官遷判松江府清操善

政一時罕匹未踰年督餉北輸中途疾劇僕懼身後無

殮資泣請發腳價收其餘羨紹業執不可歿後封識宛

然其不苟如此尋卒子爰訪自有傳

見列傳

朱宗時

邑北戴村人

崇禎中由舉人知新城縣性方鯁不畏

疆禦時疆場多故賦重民窮而豪猾往往投託勢要詭

甯陽縣志

卷之十三

良吏傳

五

稱皇莊避役逋糧吏不敢詰包納墊解官民重困宗時

積不平乃發憤上疏曰臣東魯迂儒受事後仰體國家

目前急務察關外用兵運津米豆其拖欠則以五千餘

石計察軍國告匱京邊錢糧其拖欠則以萬計上司催

檄如雨微臣焦心如焚及詢紳衿父老俱云崇禎九年

以後奸豪連引投獻勦戚錢糧拖欠不納里老不敢催

有司不能治實非等閒百姓敢於逋欠也臣因留心察

核房科果有勦戚地冊一本內計實徵地三千六百餘

頃僞稱皇莊則有勦戚莊頭劉樹聲等二十二名其間

勾引串通首惡則有張天麟張經緯張宏化魏四等八
名臣察會典律例投充勢要家人投獻民間地土問發
邊衛永遠充軍又有功臣有犯與庶人同罪及有司知
而不舉事發一體究治等條煌煌祖訓炳若日星孰敢
故犯乃各勳戚累累受獻不啻三犯四犯矣目中尙有
祖制歟且錢糧徵解各有定數莊頭拖欠則必加徵小
民其間預徵併徵民已難堪再償逋欠則熒熒子黎不
勝剜醫矣皇上敬天憂民兵荒處所議蠲議緩豈知新
城之所蠲緩盡是奸豪而單丁小戶竟未霑恩也哉况

甯陽縣志

卷之十三

良吏傳

六

祖宗經制田土賦稅編入里中悉有冊籍今奸民變亂
版圖竊據公田其地不社不甲而自爲一莊其莊不勳
不戚而儼然稱皇不惟數千田賦非皇上所有並至尊
名號亦爲奸豪所盜臣不能不爲履霜堅冰之懼也臣
亦知勢威不可觸奸黨不可犯臣犬馬之心止知有皇
上彼卽有以禍臣臣不敢顧惜也謹將原冊併呈御覽
乞敕撫按將劉樹聲等遵照會典拏問追還田賦原額
至於勳戚私受投獻擅稱皇莊聖明自有乾斷非臣么
麼所敢輕置一喙者也疏入不報

舊志不爲宗時立傳
而列此疏於藝文今

補正

國朝

陳朱垣

程憲文

劉

杞

弟槃

甯

鰲

曾孫雲程元孫憲

王冠成

吳廷相

蘇云昇

曹麟趾

陳朱垣字琅函

邑西臨邑村人

少孤事母以孝聞受學於兄朱

垣自有傳

奉教惟謹朱垣殉壬午之難朱垣於亂軍中匍

匍負屍歸葬義感路人學益力補邑諸生食餼尋充順

治戊子恩貢起家知鞏縣廉明有威吏民畏服以捕獲

巨盜功超遷江甯府江防同知抵任未幾為長官所軋

甯陽縣志

卷之十三

良吏傳

七

遽移疾罷歸促裝將發時海盜鄭成功犯江甯

寇江甯者鄭芝

龍之子成功也舊志作芝龍非是時芝龍早降

是時江甯重兵移征雲貴守備

空虛人心震恐提督梁化鳳以奇兵出剿舟舡糧仗皆

檄取於晷刻間地方有司惶惑失措事且誤總督郎廷

佐稔悉朱垣有應變才乃以原官留辦軍需朱垣練達

敏給凡攻守所需莫不立應軍將發水西門鐵樞壞堅

不可啟主將懼失期眾曰非陳同知不可急檄至則指

授冶工沒水斷樞門立啟軍畢出遂獲全勝於時江防

事繁寇退而軍未解朱垣日夜籌畫供應無缺事平總

督錄其功欲以上聞不樂仕進力辭遽解組歸朱垣天性肫篤其任鞏縣也攜兩弟朱堦朱墉與俱公餘躬自督課後皆成名其赴任江甯也聞堂弟隸旗下百計贖還罄貲不惜里居二十餘年足跡不入城市日與諸父老量晴較雨以農圃自娛折節善下與人無忤年七十五卒里人老少奔哭請祀鄉賢

程憲文字敬之

邑北門外程家園人

順治中由歲貢選授定遠縣

訓導遷知新安縣愛民如子民呼爲佛引年告歸時邑令劉公興漢編輯縣志憲文綜司校閱多所訂正孫待

甯陽縣志

卷之十三 良吏傳

八

聘自有傳

見孝友

劉杞字徵夏

邑西張村人

光漢孫

光漢見篤行

康熙中由歲貢選

授長山訓導遷鄒平教諭擢知西林縣民獠雜處號稱難治杞恩威並用政聲流聞攝籐縣篆有豪衿緣事被按私餽黃金數百揮去弗視卒論如法以母憂歸遂不復仕時文廟久圯杞捐貲倡修益煥舊觀後卒於家弟槃字碩谷幼聰穎嗜學補增廣生累試於鄉不第遵例入貲以通判赴部謁選除汾州府通判槃偉軀幹修髯過腹引對時

聖祖奇其狀貌屬目久之

天容甚霽

舊志敘次槃出身殊失詳實今補正

汾故刁玩槃至鋤強禦暴令行法

一尋以母憂解歸服闋改判夔州府夔為全蜀襟喉颿

檣絡繹珍貨山積槃廉慎自持無敢干以私者會豐都

石砭兩境互爭地界大府檄槃往勘時方盛夏冒暑走

萬山中往返數千里以勞致疾卒官杞子應薦槃子應

誼孫克旭並有傳

應薦見文學應誼克旭見篤行

甯鰲字冠東

邑北茅莊人

衛聘子

衛聘見篤行

生而岐嶷內行純

至早補邑諸生知名庠序時大學士泰安趙公國麟方

甯陽縣志

卷之十三

良吏傳

九

家居鰲往從受業深蒙獎許雍正乙卯充選貢出判湖

南澧州佐治以廉幹稱大府悉其才調補理猺廳攝會

同縣篆所在稱職尋擢安徽建德知縣先是歲大浸邑

民逋賦七千金有奇鰲察民疾苦弗忍催科乃出己貲

代輸藩庫會分濬宿州南股河一千七百四十二丈開

工遇石費且倍優卹役卒厚其直而節其力眾皆感奮

工以速完調繁知蒙城縣修建城垣疏通溝澮興革損

益治聲大起鹽運使盧公見會為撰治蒙實政頌

見藝文

再調知霍邱縣下車首清滯獄案無留牘一時有神君

之譽署知宿州旋以目疾告歸歸十餘年卒壽八十五

子最膺候選布政司理問見文職錄嵩麟見篤行崇儒監生孫

杰龍候選營千總見武職錄錦陸錦陞曾孫遠岫元孫天章

葆惺俱有傳錦陸錦陞並見篤行遠岫天章葆惺並見文學曾孫雲程元孫憲

並以吏治有聲於時雲程字鵬九資性英敏儀觀瑰異

早補郡諸生食餼嘉慶辛酉充選貢甲子舉於鄉家居

教子弟必以身先之多所成就曾設講席於邑中杏址

書屋從遊多英俊之士經其指授往往掇科第以去屢

上公車至道光癸未始成進士釋褐以知縣用歷攝江

甯陽縣志 **卷之十三** 良吏傳 十

南高澹如臯二縣事因俗施治輿誦翕然尋以母憂歸

服闋補江西上高縣時值山水暴漲田廬蕩析雲程撫

郵窮黎疏洩積澇闔境以安以才調繁知臨川縣清積

牘剔宿弊禽治奸猾興舉學校措理裕如一日慨然曰

吾聞知足不辱知止不殆宦成不退必有後悔遂上書

引疾大府方倚重之弗允所請乃遵例入貲以同知注

選遽解組歸歸十二年無疾卒子天肅庠生天黎監生

天駒候補鹽運司運判見文職錄憲字時田天姿峻潔穎脫

不羣少受業於從叔雲程悉傳所學為文風格適整藻

采映發弱冠以名諸生累試高等雅負時譽道光丁酉
舉於鄉辛丑成進士釋褐以知縣需次四川歷攝清溪
儀隴射洪諸縣篆所至勸農課士剔蠹釐奸解散囹圄
復設義學疊著聲績嘗值歲旱虔誠步禱甘霖大霈咸
以爲積誠所感又嘗奉檄赴魚通穆坪察勘土司互控
重案責以大義兩造讐服大府能之尋實授萬縣水陸
交衝事劇訟紛又俗尙豪侈飲博相徵逐乃日則清理
案牘夜則微行街市有犯必懲並爲編查保甲團練鄉
勇不踰月境內肅然會因公赴省竟以寒疾卒於邸士
民嗟惜以爲未竟所施子恩綬庠生

甯陽縣志

卷之十三

良吏傳

十一

王冠成字次韓廷魁子

廷魁見
孝友

乾隆丁酉選貢潔行治

經尤工行楷學使蔣公元益按試東郡以書法合校全

克之士擢冠成第一士林榮之尋入四庫館充校錄書

成議敘以布政司理問分發江蘇候補趨公奮勉不憚

勞勩權判徐淮海三府州所莅並著聲績會讞桃源疑

獄發奸擿伏一時有青天之譽實授逾年遽以疾卒人

以爲未竟其用云子本鐸監生孫允升附貢

見五等
貢錄

吳廷相字頌賢

邑城西
南巷人

方晉長子

方晉見
篤行

英敏嗜學早

歲以文行聲噪庠序乾隆庚午舉於鄉甲戌以明通授武城教諭再任范縣教諸生先品後藝督課精嚴時

欽定三禮初頒士多未解廷相悉心推闡其旨益明留別范士

詩云五年教化會何補慙說蘇湖一輩人擢知四川昭化縣農桑學校次第舉行地處亂山民田犬牙相入每以混淆滋訟屢策單騎經行深林叢莽中按畝履勘積案胥清創建七里壩捍水護田重修錦屏書院爲九縣生童肄業之所士民咸頌其德厯攝閩中岳池廣元諸縣事所至並著聲績會金川用兵索倫勁旅更番進剿

甯陽縣志

卷之十三

良吏傳

十三

飛芻輓饑駭汗相屬竟以勞疾卒官所著有錦川詩稿子鍾嵩歲貢鍾衡庠生鍾嵩篤學工詩尤精小楷士林推重學使張公鵬展選其父子詩並入山左續詩鈔

蘇云昇字霽軒

邑北蘇家樓人

天姿英敏尤篤於學爲文擅徐

庾之長早負盛譽甫冠補邑諸生丰采溢秀甲一鬢乾隆庚辰舉於鄉三上公車不第大挑一等以試令籤發山西大府雋其才品厯署劇邑所至有聲滿歲爲真知廣靈縣剔除積蠹懲盜卹良境內按堵積資陞知廣西永康州民猺雜處夙號難治云昇單騎之境召集民

耆耄目論以情理堅明約束俾各解仇安業並訪悉里
下利弊調劑興革不踰月爭訟頓息民便其政居官勤
聽斷杜苞苴直請託不行公餘蕭然獨處案牘胥清調知
歸順州尋卒貧不能歸邑民送其喪乃反葬里門

曹麟趾字豈凡汶上人自幼隨父主忠讀書甯陽因寓
居焉才敏嗜學早以文行著稱萬厯壬子舉於鄉除知
安邑縣爲政寬猛並濟猾豪屏息士庶悅服語詳安邑
志以課最擢南京西城兵馬司正指揮陪都直南北水
陸之衝殷麟繁會宵小芽蘖其間麟趾至堅明約束釐

甯陽縣志

卷之十三

良吏傳

十三

剔奸蠹轄內肅清尋因判事執法忤貴幸意遽引疾歸
以壽終所著有資治舊聞四卷藏於家初主忠寢疾謂
麟趾曰我寓甯陽久百歲後必歸骨於是及歿乃卜葬
鳳凰山西北青后莊之原麟趾不忍離父復遺命其子
耐葬墓側故曹氏子孫科第仕宦爲汶上顯族而其祖
墓在甯陽者至今如故

按麟趾雖系籍汶上而兩世生
寓於此歿葬於此較諸蘭陵二

疏僅傳故里者尤爲
有據故附良吏傳後

石姜潛據石介朋友解及泰安縣志補趙克讓據省
志及汶上志補吳道昌吳以諒據吳氏家乘補甯鰲

以下新增餘見舊志

贊曰東京循吏曰戴與劉羊氏多才惟敦政優姜沮
青苗與民同憂一錢不放三日榜收怒觸王呂愛遺
陳留繼起諸賢並懋嘉猷

續增

周遠沛

周遠沛字雨坡淑濂孫

淑濂見前志
父祚強傳

父桂錦

見封
贈錄

以厚

德著聞遠沛幼承庭訓沈敏有識度早補諸生不專事
帖括喜觀治譜志存用世兼精章算推闡秘微以增貢

甯陽縣志

卷之十三

良吏傳

十四

生入貲為鹽課大使籤分兩浙初謁大府異其舉止試
詢山左鹺法利弊侃侃條答動中窾要檄以公事勾當
稱職旋攝大嵩場篆甫抵任首取舊規之煩苛者概予
剔除商竈稱便場内存鹽山積度其高厚方廣立即測
其斤重權之不爽毫釐胥吏驚服無敢欺隱蠹弊廓然
一清頌聲大起以母憂歸服闋值父病弱足扶掖不離
左右父歿遂不復仕年六十二卒子滂恣以附貢生由
光祿寺署正疊次加銜晉贈至二品

重增

魏培楠 曹伯貞

魏培楠字石村

邑東黑山頭村人

仲安孫

仲安見篤行

姿稟穎悟端

謹好學事親以孝稱兄弟友于甚篤弱冠補博士弟子員同治壬戌併辛酉鄉試潘伯寅尚書主司文衡亟賞之擢為兩科解首益著節為謙謹累上春官不第庚辰會試大挑一等以知縣用籤掣江西旋補知進賢縣事蒞任之餘依然儒素遇事敏慎清理案牘以振興學校為先務捐廉備獎課士有法察民疾苦為設藥局復捐助育嬰會縣有拓固橋故孔道也年久決塌以工鉅費甯陽縣志

卷之十三

良吏傳

二十四之二

繁不易修復徒嗟望洋乃倡捐代為勸募悉心經理完固如初行旅便之輿誦翕然以疾卒於官

曹伯貞字正甫思珍子

思珍見續志篤行

少承庭訓天姿明敏

童幼即知向學師事前輩劉孝廉偉瞻指授文法悉傳其業初開筆即能自抒機杼動合矩則學師深加器異以遠大期之弱冠入邑庠以優等食餼時黃中丞恩彤罷節歸偕諸弟往從受業互相切劘學益大進同治壬戌併辛酉科遂領鄉薦屢上公車不第大挑一等以知縣用分發安徽大府重其品學延教子弟壬午科充江

南鄉試同考官得士逾額任繁昌縣政尙清簡嘗曰爲民造福須先爲民省事事省則民受福矣值江水漲發圩埂潰決擇紳耆練達者二三人督修不責以官例使人得自便如治其私故民不擾而工倍堅凡三任繁昌前後六年偶感時疾遽卒聞者悼惜以爲未竟其用云平生於書靡所不讀常分俸餘買書數千卷置遺經家塾延名師教子姪輩勉以讀書明理置田百畝爲膏火資性狷介慎取與苟非其義不以一介自累子季英季荃庠生

文學傳

金

張涇

張涇金舉人

居邑東石碣集

積學能文著名郡邑一時碑版多

出其手至今石刻尚有存者

明

鄭龍

張登雲

路中貞

鄭龍字舜卿宏治中由舉人除知獻縣天姿英敏詩文不假思索出語輒工揮毫對客時人比之秦少游所著

甯陽縣志

卷之十三

文學傳

五

有瓊牖餘情及集句二百七十二首

張登雲字攀龍

邑東葛石店人

父樸字濟文官富平主簿佐治

有聲以忤長官投劾歸卒祀鄉賢登雲少穎悟博學工

文隆慶辛未成進士累官遼海道副使解組歸卒於家

好為詩古文詞規撫漢唐音節篤雅里居築日涉園有

小西湖瑞芝樓諸勝與邑名流張周歷朱永膺輩觴詠

其中尚書吳崇禮時方敷歷中外亦遙相酬唱焉有歸

舊園晝寢詩云浮黎開嘉運迴周遞伏倚行藏雖同趣

榮落分愠喜弱植盛妍華流芬邁蘭芷一朝惻物變軼

壤動遭否蹶躄鍛羽歸遯跡隱城市即無洛陽田尚有
淵明履息陰謝糾纏文酒相繼晷曠旭成閒拱烏兔云
何駛大禹曾惜陰管甯復晏起兀坐竟何如頽然於牀
第蓋登雲精熟文選故其詩格調如此會哀集兗郡諸
家詩編爲魯雅副使戴燦爲之序見藝文所著有芝樓草
十卷耕餘雜語見魏裔介多識集題云甯陽張攀龍撰誤書其字又與朱東光
同刊中都四子集六十卷並見多識集題云與鳳陽府知府張雲登同刊誤登雲爲
雲登也俱未見今所存惟葛石山房詩一卷子文翠文佩
俱庠生

甯陽縣志

卷之十三

文學傳

六

路中貞字苞九

邑西北路家樓人

少穎悟讀書五行俱下尤精

筆札見者以遠大期之天啟末明政不綱人心思亂中

貞愀然曰天下事行且變矣乃棄舉子業獨喜治兵家

言潛心韜略慷慨自負崇禎末燕京失守福王建號留

都中貞仗劍南遊江淮間偶與王公遇於逆旅意氣傾

洽抵掌論兵法旁若無人王公大奇之會督師閣部史

可法開府揚州闢禮賢館延納才智之士

見甘泉志

王公者

故名流夙從閣部遊既得中貞詣幕府亟白之可法欣

然以禮羅致一見目爲國士即於軍中引拜參謀是時

四鎮內訌

大兵漸逼書檄旁午中貞隨機贊畫動中窾會可法深倚仗之迨攝政王致書可法責以春秋大義可法報書語多不屈相傳實中貞代為屬冀後見事不可為避地山陰晚年歸里卒於家初可法書罕有知者乾隆中奉特旨表章始傳於世今刻忠正文集中

國朝

甯允濟子之鸞 孫欄齡 樞齡 梅齡 曾孫
裕焯 裕煌 元孫汝崑 汝崧 來孫
世基 世質 甯之瑚弟之鐸 吳興姬孫

甯陽縣志

卷之十三 文學傳

七

欲立 欲達
來孫鍾安

周 璨弟珩

朱體巽

戚尙義 孫繼昌 李成龍 劉應薦 周祚顯

程鳴岐 吳方札 陳懋存 柳繼禔子愈新

胡嗣隆子喬年 孫 嚴子作棟 李苞露

張扶鯤 周祚元 石向離 陳金鑑 甯傳鈞

徐騰驤 周鎔錦 甯遠岫子天章 周百順

周遠瑞 王穎灝 李克敏子太阿 胡峯一

董世億 閻篤忠 甯伯洛 劉枋格 曹淑清

劉淑後 董世傑 韓從樸 甯 渤 甯傳縞

甯繼陞 劉枋苞 黃恩霽 甯葆惺

甯允濟字澤寰

居邑城東街

好讀書諷誦不輟嘗策蹇行籬

落間持春秋左氏傳於驢背校閱驢逸嚙田禾移時始覺補邑諸生試輒高等食餼知名郡國為人方鯁教七子皆有家法後以子之鳳任陝西按察使贈如其官祀鄉賢子之鳳自有傳見列傳國棟廩生之鶚廩生之麟庠生之鸞廩貢國棟子梓華自有傳見篤行之鸞字儀九允濟第七子幼負絕人姿悅親敬兄從長兄之鳳卜築縣東之穀山境宇窈深幽巖層矗誅茅結屋讀書習靜天

甯陽縣志

卷之十三

文學傳

六

倫之樂人爭羨之後之鳳敷歷中外之鸞閉門吟誦終老於家能文工詩尤善臨池追摹古帖深得蕭子雲筆意收藏家至今寶惜子櫺齡樞齡梅齡櫺齡字馨恆廩生姿稟穎異童時即知孝讓以嗜學著稱及長益自刻勵家故多書口吟手錄評騭殆徧為文磊落清奇每一藝成遠近傳寫有紙貴之譽書法純師二王性介不輕為人作學者得其片楮如吉光之羽也晚年講學以濂洛為宗力造堂奧嘗言儒者立腳不定切勿妄事姚江樞齡一名樞齡別字大千增監生工書學魯公爭坐帖

得其神理作畫奇古好以秃筆作怪石大徑數尺小不數寸極巉巖皴瘦之態閒濡墨作牡丹濃塗大抹自饒丰韻甯陽數百年來畫家推大千爲第一梅齡字遐林增生少承家學爲文力追先正兄弟八人友于甚敦嘗於宅右闢小園蒔花種竹疊山鑿池昆仲觴詠其中以爲樂晚年喜獎後進卽於園中構精舍聚徒講授士多師之欄齡子裕炯裕煌裕炯字贊彤庠生孝友著聞與人言忠直無隱生平不作耳語嘗曰余一言一動不欺天亦不欺人也不沾沾事舉子業惟潛心經史鴻牒以

甯陽縣志

卷之十三

文學傳

九

淹博爲後學倡裕煌字照彤乾隆中優貢博學善屬文兼能爲詩書法力摹鍾王具有風格與中表程鳴岐互相切劘所學益進鳴岐高才碩學少所許可獨心折裕煌盛加推服生平不多授徒遇有後起英俊獎掖殷諄如恐不及聞其緒論多成名士耄而好學年七十餘神明弗衰五經左國莊列手鈔日十餘紙點畫精審見者歎異尤敦內行兩姊俱適孔氏宦後零落裕煌慨然迎歸割田置宅代營生計俾免失所學使李公文園重其品學親書博聞敦行扁額贈之士林以爲無愧子汝泰

庠生裕炯子汝崑汝桂汝崑字品山庠生未冠失怙事
母吳色養兼至兄汝崑篤學早卒教兩弟嚴整有家法
及析箸悉以腴田歸弟姪而自取磽瘠性好施予推解
無吝色獎誘後進英俊多出門下子世芬字湘芷庠生
篤學能文事親尤以孝稱中年遽卒士論惜之子傳敦
傳敦俱廩生汝桂字桂山性穎異日誦千言過輒不忘
早補諸生以文行著乾隆乙酉充選貢負笈從師學益
深邃年五十除清平訓導母老請養大府嘉納後其母
壽百齡無疾而逝服闋授禹城教諭時年已七旬持躬

甯陽縣志

卷之十三

文學傳

三

清峻俸入不敷每取給於家月集生徒諄諄訓迪先品
後藝無稍寬假一時方幅有斗山之仰旋卒於官奠輓
相屬數十里不絕子世基世質世基字冠華操履方雅
顧盼有威與人接正襟危坐終日無情容而德宇冲粹
盎然太和人皆敬而愛之學有根柢爲文古茂淵懿肅
若法物早歲游庠負盛譽屢躋棘闈嘉慶辛酉年五十
餘始舉於鄉旋官鉅野訓導振文風作士氣學校蒸然
興起行年七十猶手不釋卷公車十餘上卒不得志以
學博終咸以爲未竟其用云世質字華野名亞於兄爲

文簡潔醇雅獨具筆格每與兄相對端坐商榷古今以
敦品勵學互相助勉士林翕然宗仰從遊日衆多所造
就嘉慶末充恩貢尋卒世基子訥字子敏沈潛篤學博
極羣書文思颯發才鋒英豎尤善爲詩兼工諸體不名
一格早擅名譽游庠食餼皆第一宗工傾賞有國士之
目家故寒素友教四方名士多從之遊陶成甚衆聞望
大起顧厄於遇屢赴省闈輒被乙年甫四十竟鬱鬱以
青衿終士人識與不識皆爲於邑訥積學嗜古雅好考
訂金石文字於鄉邦文獻尤加意蒐討每慨志乘疏略
甯陽縣志

卷之十三

文學傳

三

思欲重加編輯足跡所至必摩挲其斷碣殘碑往往獨
行躑躅荒榛叢棘中剜苔剔蘚竟夕忘疲喜聞鄉先輩
嘉言懿行及一切爵秩世系名字異同參互考證期於
精確偶有所得輒命筆劄記其遺編殘藁尤護若奇珍
不令散佚王正容翥亭詩集程鳴岐古藤山園詩鈔得
以流傳至今者皆訥力也所著有見聞隨筆一書今茲
修志多取材焉

甯之瑚字夏公生於明季不以亂離廢學爲文奇古工
詩書法學鍾太傅臨池日數十紙以爲常順治十二年

甲午首開選貢科之瑚以茂才異等與焉例得官不樂
仕進拂衣竟歸閉門吟誦以終弟之鐸字天木亦以敦
謹爲時推重

吳興姬字心周

邑城西南巷人

篤志力學博通經史順治中由

副貢三任校官興學課士所至有聲謁告歸不事生產
嘗鬻田購書數千卷聚徒講學不責脩脯一時名士多
所造就著四書碎金藏於家孫欲立欲達欲立字恕可
嗜學工詩書法得松雪翁筆意康熙丁丑與弟欲達同
科選貢授在平教諭以身立教課士有程擢青州府教

甯陽縣志

卷之十三

文學傳

三

授引例退休徜徉泉石以翰墨自娛著吟壇學步若干
卷年八十七無疾卒欲達字行可工文善書與兄齊名
用筆同師松雪而能自出己意好書先正格言以資紳
佩見者輒持去爲博興教諭勤於訓迪與有司不協拂
衣徑歸里居授徒後學翕然宗之著有自源堂詩稿思
補集行世欲立子六方晉自有傳見篤行方昇方泰俱增
生方昭自有傳見隱逸方淳增生孫廷相廷楫並自有傳
廷相見良吏廷楫見篤行曾孫鍾安字石亭性方整寡言笑早補郡
諸生食餼知名庠序喜讀書好飲酒五斗不亂每披吟

偶暇淨几焚香銜杯竟夕不一問人間事邑令某重其
爲人延置西席假館累年謝絕干請冰雪懷如愛名書
畫手自臨摹尤善行草力透紙背道光初循資充貢尋
卒欲達子方習增生方煦監生孫廷凱金絲堂啟事見文
職錄鍾安子繼汾庠生

周璨字玉光

邑東石碣集人

弼成子

弼成見篤行

順治中廩生聰穎

秀出爲文千言立就情詞茂美一時學者翕然稱之工
書筆力透紙背年二十餘卒士論惜焉弟珩同時食餼
亦有名

甯陽縣志

卷之十三

文學傳

三

朱體巽字武貞

邑西臨邑村人

康熙中歲貢博學工詩文尤嗜

琴里居無師按譜冥索得其指法遂曲盡竅妙每焚香
閉閣撫絃動操極高山流水之趣授蒙陰訓導致仕歸
年八十餘卒子公琦字荆涵雍正中歲貢以文行有聲
於時

戚尙義字子喻

邑東石碣集人

康熙中增生少負異才積學能

文一時碑版多出其手居鄉以謹厚自持矩步繩趨士
林推爲長者晚益專力治經兼通諸史每口講指畫獎
誘後學多所成就

孫繼昌字克大

邑西西
疏村人

雍正癸卯選貢高才篤學下帷

無間寒暑善為文工書法早卒士論惜之

李成龍字劍光

邑西臨
邑村人

資稟穎異少負神童之譽為文

敏速萬言立就早補邑諸生知名黌序雍正癸卯舉於

鄉次年成進士釋褐知福建建安縣性鯁直不肯隨人

俯仰坐是忤大府意被劾以教官改補後為曹州學正

卒官

劉應薦字雲上

邑西北
張村人

杞次子

杞見
良吏

幼承家學博通經

史為文屬思敏捷日成數藝早以諸生負盛譽雍正壬

甯陽縣志

卷之十三

文學傳

三

子舉於鄉乾隆初縣令李公夢雷增修縣志以應薦司

總纂首編沿革古蹟二門多所考證補前志之未及是

時各省大比例以隔省名儒入闈分校會江南舉行鄉

試大吏素耳應薦名乃聘充同考官撤棘愛白下江山

之勝籃輿游眺逾時始返比歸志乘業經脫藁未及一

手裁正旋任蒲臺教諭以外艱歸時文廟傾圮應薦承

父志集貲重修始終其事服闋屢上公車不第丁巳中

式明通榜丙戌辛卯疊蒙

恩例由內閣中書晉翰林院檢討銜晚年以筆墨自娛著有竹

嘯軒文彙藏於家尋卒子克簡博學能文以恩貢任鄆城教諭

周祚顯字德彰

邑東石碣集人

弼成曾孫

弼成見篤行

植品清峻博

學多通雍正乙卯充優貢乾隆戊午京闈以北皿中式

考授正紅旗官學教習期滿課最外除校官借補蒲臺

訓導未之任平生幽居韜養門無雜賓花木靚深極林

泉之勝鄉袞袞清慤公守侗嘗造其廬贈楹聯云俗士

登堂便大雅忙人入座即安閒其傾倒如此曾修縣志

兼多著述後裔有暫移泗水者遺文藏竹簾中遇漲漂

甯陽縣志

卷之十三

文學傳

三

失

程鳴岐字鳳洲

邑北門外程家園人

更名襄哉字陶村待聘孫

待聘

見孝友

父豫廩生力學早卒鳴岐生而穎異能自得師未

冠以第一補諸生旋擢異等食餼歲科試累冠其曹名

聞郡國家世儒故多積軸又鬻腴田百畝悉以購四部

善本鍵戶下帷寒暑弗輟繇是博綜羣籍貫串百家為

文沈博瑰瑋無一字無出處藁甫脫遐邇傳鈔殆徧好

為詩自勝蹟名流下逮瑣物細故靡不題詠各極其妙

古體以杜韓為宗而遡源漢魏歲蕤輪困觀者眩目書

法師歐陽率更大而孽窠細若蠅頭各凝重有骨格會
李公因培以名翰林視學山左少許可獨傾倒鳴岐目
爲國士嗣是學益進名益高數乃益奇累薦於鄉不第
乾隆中充歲貢尋卒鳴岐早負盛名中遭坎壈以明經
終身後其讀書精舍所云贅寒書屋者復厄於火遺編
煨燼殘藁灰飛惟青松在耳劉枋格詩喬松餘古意曾是讀書堂士論悲
之其外會孫甯訥加意蒐輯僅得所著問著集詩一卷
古藤山園詩鈔一卷萬棗山房詩一卷不及千百之十
一然甯陽百年來作者斷以鳴岐爲稱首云

甯陽縣志

卷之十三

文學傳

三

吳方札字俊卿

邑城西南巷人

欲經子

欲經見五等貢錄

少負異稟穎

脫不羣稍長苦志力學每讀未見書必先綜計卷帙幾
期成誦學業賅博爲文屏絕恆蹊獨抒心得踔厲風發
縱橫不可一世乾隆初早補諸生歲科試累冠其曹文
譽噪甚學使黃謝姚錢諸公皆亟賞之併鐫其文入試
牘中家貧教授四方多所成就屢躋棘闈晚乃積資充
貢尋卒生平所作制義不下數千首並有玉山行丁石
集龍龔齋三種今俱散佚罕有存者

陳懋存字義門

邑西路家樓人

家故貧篤志力學遂以文行著

稱乾隆中以高才生食餼累擢異等試於鄉不第積資
充貢名益高假館授徒從遊日衆先是鄉塾師好講帖
括以求速化懋存獨崇經術九經皆通大義尤邃於易
其學以程傳爲宗深明義理兼精象數每與人語陰陽
剛柔之旨取身取物指點親切聽者忘疲善撰著斷吉
凶輒驗其教人不沾沾事舉子業量其才質俾各占一
經從容講習而徐徐課其勤惰初若迂緩久之各有所
得嘗曰嚴立課程寬著工夫此讀書定法又曰經猶穀
也文猶酒也酒乃穀精匪穀奚由致酒今人但知作文

甯陽縣志

卷之十三

文學傳

三

爲逢時之具而不思探本於經是猶嗜酒者貪一醉之
樂而廢穀不食鮮有不日就羸瘠者時以爲格言及門
多知名士若周百順甯雲程周遠瑞劉枋格尤其高足
云

柳繼禮字昭仁

邑東北周村人

國棟孫

國棟見忠義

乾隆甲子副貢

歷官高密泗水新泰沂水四縣教諭高才積學工詩古
文詞子愈新字華亭少稟庭訓早歲遊庠以高等食餼
益自振勵下帷攻苦寒暑弗輟其學貫穿經史尤好爲
詩古文詞凡所著作悉具風格不偶流俗晚境益進有

澹定堂詩文稿藏於家生平不作行草獨喜樸顏魯公
正書左準右繩不失尺寸端重似其爲人居教授獎
誘後進惟恐弗及多所成就一方學者識與不識稱曰
介堂先生其別號也秋闈屢躋後以積資充貢尋卒子
羽豐庠生

胡嗣隆字對峯

邑東北大
胡家莊人

早孤母吳

見列
女傳

矢志柏舟撫

養成立少穎悟就傅授冊日誦千言稍長姿貌瑰瑋神
彩注射見者傾異爲文屬思精敏謹嚴有法早歲補郡
庠生旋以高等食餼歲科試累冠其曹名噪郡國乾隆
甯陽縣志

卷之十三

文學傳

三

丙午舉於鄉文境益拓房稿積數百篇藏於家公車屢
上未第卒士論惜之子喬年字樞齡英敏有父風髫時
受詩法於柳愈新綽具風格有句云亂山盤石壁一雁
落沙洲又云隴分田似畫沙潤草如鍼爲儕輩所矜賞
甫冠早卒詩亦散佚

孫嚴字欽若

邑東北孫
家灘人

上世隸濟甯嚴始來入籍家貧

嗜學淹博能文補邑諸生試輒高等乾隆辛酉以副榜
充貢假館授徒從遊日衆教人爲文先理法而後詞
經其指授多成名士以訓導注銓未仕卒官

已散佚惟學庸詳解藏於家子作霖廩生高才早世作棟歲貢積學善教有父風孫湧金歲貢并見五等貢錄

李苞露字光著邑北臨邑人乾隆中歲貢操履方整不諧時

俗喜讀書殫精研慮晝夜不輟為文規撫方家筆格雋

異試輒前列聲華籍甚時出授徒成就者眾嘗假館張

文學為傑家有牧豕兒亦張氏子也每聽講倚門不去

苞露異之言於為傑使就學不受其贄後以諸生貢成

均苞露力也年七十五卒

張扶鯤字觀堂邑東王家院人乾隆中諸生少稟異才讀書寓

甯陽縣志 卷之十三 文學傳 三

目不忘博綜羣籍善屬文走筆輒成數藝清奇濃淡不

拘一格兼工詩模範山水抒寫性靈翛然自得家無儋

石絃誦不輟琅琅金石聲恆徹戶外曾有文藁一册經

齊河書賈攜去同邑張某見而善之輒留誦習會甲午

秋闈題適合張某錄其文入即獲雋而扶鯤坎壈不遇

竟以青衿終

周祚元字殿鰲邑東石碣集人珩孫珩見兄乾隆中歲貢性敏

彊記多識前輩嘉言善行其後裔造廬訊訪輒為詳述

巔末疊疊忘倦學窮經史文宗先正尤工書法初師歐

陽率更既乃專撫二王得其筆妙中年失偶不再娶掃地焚香捲簾靜坐苦茗半甌斑管一牀興之所至涉筆成趣循資選魚臺訓導未之任精神充溢至老不衰年八十五猶爲從孫厚滋書朱柏廬治家格言蒼勁絕倫旋以無疾令終壽八十九子秉森監生

石向離字炳南 邑西大孟村人 乾隆中歲貢性不諧俗學有原

本制義取則方家躋其堂奧未冠入庠歲科試六冠其曹文譽噪甚每有綴屬脫藁傳誦己酉鄉闈擬元數日旋以小疵被乙士論惜之晚選蒙陰訓導邸報至日先

甯陽縣志 卷之十三 文學傳 三

一夕卒

陳金鑑字穆亭 邑西大孟村人 乾隆中廩生簡靜寡言植品清

峻鍵戶力學外人罕見其面爲文力追先正屏絕時尙歲科試累冠其曹騰聲齊魯間時出授徒多所成就棘闈屢躋以青衿終士論惜之子知璋監生

甯傳鈞字化陶 邑西蕭家村人 世傳儒業父立謨字顯文歲貢

博學善教士林推重傳鈞天稟英異讀書寓目不忘文思泉湧萬言立就會不加點長老詫爲奇才早補邑諸生蹕厲風發名譽噪甚累試於鄉嘉慶庚申擬元不售

乃下帷攻苦文瀾益闊次年辛酉以第十人魁其房公
車屢上輒下第歸教授四方經其造就多知名於時或
相繼掇科第以去後輩翕然宗之晚以大挑二等授昌
樂教諭歷署高苑曹縣教諭所在稱職致仕歸尋卒子
怡庭庠生

徐騰驤字步衢

邑南鐵佛寺人

幼聰敏讀書五行俱下早負文

譽入邑庠旋以冠軍食餼爲文原本經術貫串百家興
會飄發詞鋒英豎嘉慶辛酉以第九人魁其房屢上春
官不第頽然任放以詩酒自娛晚授掖縣教諭卒於官

甯陽縣志

卷之十三

文學傳

三

周鎔錦字雲峯

邑東石碣集人

淑濂子

淑濂見孝友

五歲失怙母甯

撫養成立天畀至性童時奉母色養兼至母病惡聞人
聲每脫屣侍左右奉湯藥惟謹稍長就傳念父力學早
逝銳志攻苦甫冠卽以文雅擅名鄉塾補邑諸生會大
學士阮公元方以宮詹視學山左亟賞其文擢置異等
遂食廩餼累赴鄉舉不第乃援例入成均以訓導注選
嘉慶戊辰署蒙陰教諭課士精嚴屏絕贄餽及與晉接
則益然春温士皆畏而愛之生平篤於親故舅家甚貧
問遺不絕復以匱資助嫁其女典史李蟠根者世好也

罷官零落時時周恤其子聞者稱爲盛德尤工於詩初師陶韋吐屬名雋中更變化出己意澹泊高妙蕭然埃壒之外著有存素堂詩集四卷藏於家子遠昌舉人遠調例貢孫滂相選貢見五等貢錄

甯遠岫字嵐峯邑北茅莊人錦陸子錦陸見父嵩麟傳穎悟嗜學爲

文風發泉湧早補諸生第一旋以冠軍食餼與弟雲程齊名年未三十遽卒士論惜之子二天騏庠生天章字耀寰少以經笥著譽家塾稍長從叔雲程學爲文溫醇爾雅動合典則未冠補諸生試輒異等食餼與從弟憲甯陽縣志

卷之十三 文學傳

齊名其爲學不專事帖括獨喜治經博觀傳注斷以己意別有心得每學使以經解試諸生疏通證明累擢第一屢薦於鄉不售道光乙酉以優行充貢年四十餘卒生平內行敦篤事母兄以孝友稱重然諾慎取與恂恂雅飭無疾言遽色飲酒數斗不亂醉乃益恭士論重其品學中年失意竟抑鬱以明經終

周百順字備堂先馨子先馨見篤行天稟穎異童卯嗜學家

恭貧爨火弗繼而誦讀勿輟稍長受學於鄉先生陳懋存悉傳其業十八補邑諸生益自砥礪遂以文行著稱

學使阮公元戴公均元劉公鳳誥皆亟賞之擢置異等
目爲國士嘉慶丁卯舉於鄉以第九人魁其房名譽籍
甚初甯陽自雍正甲辰李成龍中第後續無登甲榜者
百順獨銳志下帷簡鍊揣摩期於必得公車屢上至丁
丑始成進士釋褐得縣令累任河南林縣江蘇金山湖
南通道耒陽等縣知縣因俗施治所莅有聲兩充河南
辛巳湖南庚子鄉試同考官遴選寒俊號稱得人年七
十四致仕歸歸後數載卒於家百順孝友性成內行純
至與人胸無城府表裏洞然積學多通尤精制舉之業
甯陽縣志

卷之十三

文學傳

三

爲文不求奇異惟以雅正爲宗左準右繩罔失尺寸而
摘辭豎義胥經緯其間少卽授徒通籍後尤喜獎掖後
進宦游所至每以門弟子自隨公餘指授曾無倦色經
其陶染往往掇青紫以去今福建巡撫王公懿德浙江
按察使孫公毓淮其尤顯云所著有更事良言從吾堂
時文爲鄰軒試帖及墨式舉隅舉業新模前模等書并
行於世子三之濬監生之澍庠生議敘八品銜

見廕亮敘錄

采廩生

周遠瑞字鳳皆

邑東石碣集人

孟錦子

孟錦見篤行

器宇瑰瑋穎悟

過人博學善屬文兼工書畫亦能爲詩早歲補邑諸生旋以高等食餼時大學士鄒公炳泰戴公均元方以名翰林相繼視學山左雅相知重以國士目之嘉慶辛酉充選貢戊辰舉於鄉公車屢上

輦下知名嘗自書楹帖云一生樂事詩書畫三字箴言敬儉勤其志尙如此道光初元舉孝廉方正辭不就丙戌大挑二等任平度訓導歷攝嘉祥諸城東阿臨清范縣學篆持躬課士所至有聲致仕歸閉門養高不與外事尋卒著有有真味齋詩鈔二卷藏於家

甯陽縣志

卷之十三

文學傳

三

王穎灝字海亭

邑北大
庵上人

賦性端懿不苟言笑好讀書無

間寒暑爲文恪遵傳注以雅正爲宗早補諸生食餼益知名假館授徒從遊日衆教人左準右繩動合榘則嘉慶庚午積資充貢是年舉於鄉尋卒所著有四書講義

藏於家子玉衡歲貢

見五等
貢錄

李克敏字穎川

邑西花
園村人

嘉慶中歲貢明經飭行早年以

童科第一補諸生積學能文亦能爲詩著有修統齋詩稿晚益邃於經術學使萬公承風奇其文拔置第一時已七十餘矣尋卒子太阿字秋溪天姿英異志行修潔

少承家學以名諸生馳譽郡國詩文蓬勃有氣歲科試
屢列前茅皆以遠大期之年三十餘遽卒士論嗟悼有
小峯詩草藏於家

胡峯一字對山

邑西北張家堂人

天姿英異爲文出語驚塾師

跡弛不偶意氣自豪既冠從婦翁王穎灝受學乃更折
節讀書痛自刻勵屢應童科不售弗以屑意年近三十
始補邑諸生旋以高等食餼嘉慶庚午與穎灝同舉於
鄉既登賢書益肆力於文出入經史長於論議不屑屑
作經生家言屢困公車道光丙戌雋禮闈榜下以母憂
甯陽縣志

卷之十三

文學傳

三

歸己丑服闋始成進士釋褐以知縣卽用分發河南攝
永城縣篆抵任未而月力疾清理積案三百餘民頌神
明尋卒子昭顯監生

董世僖字樂亭

邑北董家沈河厓人

父廷揚歲貢生積學善教世

僖少稟庭訓敏而嗜學麥秋父命赴田看視乃坐隴畔
默誦舊書人取其麥弗知也初應童科郡試第一旋補
諸生試輒高等食餼有聲於庠時進士周百順方家居
授徒世僖往從受業爲文不事馳騁獨崇典則動合體
裁嘉慶丙子舉於鄉屢躋禮闈文境益拓道光己丑成

進士以知縣卽用署河南伊陽縣事旋補永甯縣廉明
有聲績壬辰甲午兩充鄉試同考官卷必親閱得士逾
額以外艱歸服闋改發江蘇復以母憂歸卒

閻篤忠字心一

邑城北街人

內行敦篤事繼母尤以孝稱高

才嗜學自經史下逮詩賦雜家靡弗賅貫沈默寡言不
妄交接抱卷長哦無間寒暑家素貧閉門求志操履修
潔時出授徒其教用歐陽公限字法諄諄獎掖三年卒
業往往暗誦全經生平不多爲文所著有續蒙求數十
卷乃排比事實依類編纂以示及門者時論推其淹博
甯陽縣志

卷之十三

文學傳

三

嘗糾族創建宗祠並修補忠義祠移建節孝祠苦無貲
謀諸舉人周遠昌廣爲勸輸以集厥事早補諸生食餼
嘉慶中積資充貢尋卒子源燦庠生

甯伯洛字文渠毓敏子

毓敏見篤行

乾隆中增生少承家學

尤精史鑑會著歷史快筆一書乃取顧迥瀾綱鑑總原
本而以己意剪裁潤色之時輩傾服多傳誦焉爲文高
自標格雅負盛譽友教四方善誘後學一時名彥多出
門下甲寅鄉試已擬解首因三場抱病被放從此鬱鬱
不得志好悲歌尋卒

劉枋格字鏡藻

邑北茅莊人

少穎悟及長篤學能文乾隆末

補邑諸生年未弱冠秀甲一黌時鄉先生陳懋存方以經學教授及門多一時雅雋枋格往從之遊盡傳師說與諸名士朝夕切劘追逐後先文思英敏泉湧風發有出藍之譽好爲詩出語輒工高自標識嗶然慕古作者時論翕然稱之旋擢高等食餼歲科累試第一學使者目爲國士省試屢薦未售遽以疾卒年甫二十有六有四略堂詩文藁藏於家諸與同學如周百順甯雲程皆成進士餘亦多膺鄉舉惟枋格高才早世以青衿終士甯陽縣志

卷之十三

文學傳

三

論至今嗟惜子騰蛟庠生

曹淑清

邑東南鄉飲村人

嘉慶中諸生家甚貧幼卽嗜書年十

歲嘗挾冊牧牛飼牛以芻而已就樹下讀牛逸讀如故日移晷弗覺也稍長爲書賈執卷吟覽篋中書往往被黠者竊去一日擔書就旅邸誦聲大作徹於四壁會新任縣令詹公名堅者故西吳名進士甫入境就逆旅宿聞聲尋往从立背後誦不輟呼與語隨問輒答弗能難也大喜邀入署資以膏火談藝外無一語及公事旋以童科第一補邑諸生銳志攻苦下帷蕭寺中夜寒足僵

繞屋疾走時就炷香照字凡經史俱能徧觀默識中筆竟以青衿終無後

劉淑後字貽圃邑城北門外人應埴孫應埴見篤行天稟穎異讀書

寓目不忘眉有白毫姿貌瑰瑋早補諸生食餼學使者

每加獎譽騰聲黌序不屑屑治帖括業獨喜為詩每遇

風月令辰郊原散步且行且哦皆韻語也所為詩抒寫

性靈空諸依傍與會所至前無古人願不自收拾遺藁

罕有存者中年學益進喜錄先正格言間及金石文字

好飲酒每嘉賓至欣然命酌五斗後色愈莊銜杯靜對

甯陽縣志

卷之十三

文學傳

三

有忘言之趣幼失怙事母至孝家初貧竭力奉甘旨不

稍缺爨火不給至撤薦以供炊卽痛飲盡醉聞母命則

肅衣冠奉教惟謹某氏子貨其先人墓田又欲平治其

壟以求善價淑後周其貧而代護其壟至今林木鬱然

其盛德多類此道光初以積資充貢尋卒子三枋聯枋

愚枋修皆監生

董世傑字漢三邑西北董家洸河厓人嘉慶中歲貢勵志篤學三

餘無間淹貫經史為文具有根柢學使李公振祐亟賞

之尤奇其經文目為一字一珠屢赴省試不第尋卒所

著有汶洸詩鈔藏於家子毓華廩生毓衡庠生

韓從樸字季方邑東北龍魚泉人池孫池見篤行少穎秀讀書別有

會心為文極峭禱之致嘉慶初補邑諸生食餼累擢異

等知名賢序所居近龍魚泉沙水環而林木茂美閉門

吟誦浩然有得好為詩古文詞骨韻天成格調適整顧

往往自削其藁曰吾將有進也累薦於鄉不第時出授

徒多所造就晚精醫術活人無算年六十餘卒

甯渤字珊波邑東大夏莊人潛季弟潛見篤行道光中歲貢性謹飭

少從閩篤忠學諸經皆能默記長受文法於周百順兼

甯陽縣志 卷之十三 文學傳 三

與諸名士相切劘文境日進屢擢異等工詩尤長律賦

翦刻雕鏤縟若錯繡每學使以古學試諸生往往屈其

流輩所著有我齋詩賦藏於家性好潔中庭疊石作小

山引水其上旁蒔花竹異卉吟嘯自娛於世情澹如也

竟以明經終

甯傳樞字星垣邑東滿莊人道光中歲貢父大猷故膠庠知

名士傳樞少承家學十歲即能讀等身書及長為文屬

思英敏原本經術一以先正為宗學使按試累加獎拔

鄉試屢薦不售困躓四十餘年後學多從之遊成名者

甚衆

甯繼陞字雲高

邑北前望
峯村人

之鳳裔孫

之鳳見
列傳

少負異才

總角卽以嗜學著譽甫冠游庠益自刻勵爲文才鋒颯
舉葩藻歲黉嘉慶癸酉學使張公鵬展奇其才品面試
詩文並講四子書從容不迫繇是益器重之遂擢充選
貢省聞累薦不售益知名性廓落不自矜持嗜酒一杯
自持有時獨醉人或以清狂目之顧志行修潔孝友著
聞杜門靜攝雜賓罕至識者謂其外曠內慎似阮嗣宗
之爲人以州判注銓未仕卒

甯陽縣志

卷之十三

文學傳

早

劉枋苞字斐園

邑北茅
莊人

克旭孫

克旭見
篤行

少負異才十歲

能讀等身書爲文千言立就滔滔汨汨若決江河十四
出應童試時閣學劉公鳳誥視學來東少所許可一見
枋苞文亟加歎賞拔補諸生第一以遠大期之繇是文
名噪甚旣兩遭母喪積年不赴科舉乃益刻苦力學研
精經史尤熟於溫公通鑑背誦略能上口服闋以冠軍
食餼斂才就範文境益進累薦於鄉不第家故貧授徒
自給鬱鬱不得志道光中充歲貢尋卒枋苞早負聖童
之譽爲哲匠所識拔中更坎壈以明經終論者惜之好

爲詩兼工諸體私淑漁洋山人得其風調入韻師吳穀人祭酒瑰麗可觀歿後稿併佚

黃恩霽初名丕節別字竹泉邑東北天福莊人尙璨孫尙璨見篤行

嗣父宗獻早卒母朱見列女傳年十六茹荼守志承繼恩霽

爲嗣時祖母王猶在堂恩霽賦性醇篤事重慈以孝稱始終無間高才嗜學早露頭角與弟恩彤並應童科邑令陳公淦一見許爲國器拔置前茅旋以郡試第一補諸生擢異等食餼文名大起顧不自許可益潛心經史之學鍵戶下帷博觀約取確有心得詩文以獨造爲奇

甯陽縣志

卷之十三

文學傳

三

不肯蹈襲前人片語歲科試四冠其曹學使吳公慈鶴尤加獎譽至榜其詩句以式多士道光甲午舉於鄉乙巳以第五人雋禮闈遂成進士釋褐以知縣發往四川大府素悉其才甫抵省卽委讞疑獄多所平反嘗有讞局呈友詩云忍將棘手誇明鏡怕有沈冤墮覆盆又云殺戒已開防手滑限期難緩怕心忙其矜慎如此會有大慙潛踞山中吏莫敢訶恩霽奉檄往捕傾其巢穴而俘其妻息時隆冬夜走窮谷遂感寒疾遽卒聞者靡弗悼惜以爲未竟其用云生平慷慨喜交遊投贈徧山左

意氣傾注輒以肝膽照人觥觥自持尤慎取與苟非其義一介不以自累所著有澹如菊齋文稿行世詩若干

首藏於家子寶書舉人

見科
目表

甯葆惺原名天駿字星坡臨芝子

臨芝見文職錄
及父錦陞傳

麥稟

穎異甫勝衣修謹若成人格承家學早擅令譽弱冠游

庠文行益著與從兄天章憲

天章見前
憲見良吏

同時齊名並有

國士之目時尙書何文安公

名凌
漢

方以祭酒視學來東

亟賞其文擢充乙酉選貢

廷試列高等旋以細故被乙同人皆為惋惜葆惺自安義

甯陽縣志

卷之十三

文學傳

三

命處之怡然歸卽杜門謝客奉親課弟內行醇篤人無間言嘗糾合族人重修宗祠續輯族譜繕寫成帙尙未付梓從不預外事惟以文史自娛博覽羣籍尤精小學嘗謂讀書自識字始凡六書點畫鉤考審詳子弟舉筆偶誤必為是正近因志乘年久失修重加編輯葆惺綜司校勘悉心訂正不遺餘力迨屬藁既定將謀授梓復身任其事於宅旁葺屋設局督匠開雕隨宜劈畫自春徂秋心力交瘁俾全書次第告成尅期歲事遽以疾卒士論悼惜

右張登雲據舊選舉志補張涇路中貞甯之鸞戚尙
義據採訪補李成龍以下新增餘見舊志

贊曰彩實文峯汶乃文水有斐二劉祖孫濟美餘韻
垂芬是生副使相如慕蘭攀龍企李郁郁

熙朝鳳洲繼起境嗇才豐學通運否遺稿藏家富逾千
紙天不憖遺祝融用燬泰山毫芒端賴甯子

續增

周遠昌 劉偉瞻 任廷槐 張文亭 子琇

黃寶書 周維楨 吳瀛洲 楊德成 劉文淇

甯陽縣志

卷之十三 文學傳

三

劉錫齡 甯繼楨 趙湘 甯廉 甯恩綬

李擎 劉允一 劉澍芳 郝永湘 陳芳叢

陳漸達 李雲華 賀習曾

周遠昌字鳳卜 鎔錦子 鎔錦見前志文學 七歲患痘目眇乳母

任嫗夢社公手撥其翳次日雙眸炯然少失怙恃執喪
呼擗哀感行路與弟遠調友愛倍摯洎受讀憤自刻勵
至忘寢食弱冠博通經史爲文藻思富逸見賞宗工補
諸生食餼文譽籍甚性忼爽喜交游結納徧鄒魯一時
有顧廚之目庚子登賢書屢躋春官義命自安澹然不

以屑意年益進學益富名益高後輩翕然宗仰問字請
文趾相錯也以試用訓導攝嘉祥學篆師範嚴正士論
推服比歸諸生六十餘人製詞書諸屏風遠來爲壽以
志去思咸豐初元特開制科邑侯陳公首列薦牘力
辭不就會修縣志分司編纂於是裹糧憑軾周歷縣境
徧覽山川審其形勢脈絡又出入於荒祠廢壘間摩挲
其殘碑斷碣因以考訂文獻搜剔靡遺迨書成而心力
交瘁矣居恆抱道自重非公事不至縣庭邑令重其品
學就訪民生休戚皆直言無隱兩次勦修汶隄工堅費

甯陽縣志

卷之十三

文學傳

四

省邑人誦之又會捐金助修本邑文廟及濟南貢院兗
郡考棚并輸緡錢生息充鄉試卷價其他振貧卹族尤
慷慨無所吝家因中落乃稱貸濟之嘗有句云債從還
後方安枕錢到多時亦累人其志尙如此後檄署城武
長山兩學篆均未赴以揀選知縣待銓年六十二卒入
祀忠義孝弟祠有培心堂詩文集六卷藏於家子澆松
廩生澆植澆杭俱庠生澆櫛澆棣俱監生

劉偉瞻字蓬山毓奎子

毓奎見前志篤行

天賦沈敏少若成人

早失怙事母克孝稍長自奮於學與昆季互相切劘文

行日著其學以慎獨爲宗博極羣書而覃精於五經四子確有心得爲文獨抒性靈不屑屑事制舉業尤喜攻古文溯源於左國史漢兼及唐宋名家而一以昌黎爲標準早歲以名諸生食餼累踐省闈始登賢書上春官不遇大挑得校官初攝臨清州學正旋補東昌府訓導以身作則士論翕服紅巾擾郡垣以守城功加國子監典簿銜年七十卒官方陳公之重修縣志也偉瞻實司分纂補遺辨誤考訂之力爲多子廷祐監生自有傳見忠義廷韓庠生軍功議敘訓導廷敬庠生居喪以哀毀卒

甯陽縣志

卷之十三

文學傳

五

廷黠庠生孫法武州同銜詔武廩生

任廷槐字蔭堂

堤城
屯人

天性純篤事親敬養兼至待兩弟

友于甚敦怡怡無間才敏嗜學綜攬羣書爲文筆格名

雋超絕流俗早補諸生食餼科歲試累冠其曹文譽籍

甚道光己亥以第八人魁其房友教四方誨人不倦多

所成就門弟子至今頌之年近七旬卒子景瑞附貢生

軍功議敘翰林院待詔銜景珣孫殿京殿省皆監生

張文亭字錦堂

鐵佛寺
村人

賦性純篤孝友夙成幼失怙事

母敬養兼至與兄華亭

見篤
行

翁怡無間才敏力學博覽

羣籍爲文取法先正篤雅有則弱冠游庠食餼累列異等文譽噪於郡邑省試屢薦未售處之泰然尋以積資充貢好學不倦一方推爲宿儒卹族振隣人感其惠年九十餘五世同堂無疾令終子五琇舉人瑛歲貢軍功議敘訓導琅廩生瑗瑄皆庠生悉傳家學以文行著稱琇字藍坡早歲登賢書累上公車不第鍵戶下帷攻苦弗懈開館授徒從遊多知名士咸豐庚申之變邑城失守賊去旋復殘缺更甚邑侯李公集紳議修造廬三請乃出董其役移家入城勸捐募夫葺垣浚壕晝夜督率

甯陽縣志

卷之十三

文學傳

異

幾廢寢食工旣竣雉堞環立望之屹然嗣是賊屢窺伺均因防守嚴固憚不敢攻人心恃以無恐事平論功以教諭注選 欽加五品銜同治壬申汶水漲溢援案集費補修石梁民捨邑侯張公復請監工夯築堅實尅期蕝事生平內行敦篤繼母性嚴多怒獨能得其歡心尤工制舉之文有葆真堂課藝藏於家尋卒子鴻磐庠生五品銜

黃寶書字東倩恩霽子

恩霽見前志文學

少承家學十歲能讀

七經詩文皆有程式弱冠入邑庠以優等食餼會試

恩彤解組歸指授文法筆格頓進遂領鄉薦益有名再
上公車不第咸豐初恩彤奉命督辦團練嗣復倡眾
築堡寶書實左右之堡成寇屢過窺覘復借諸弟率眾
登陴晝夜防守開礮擊近壕悍賊落馬賊不敢犯一方
恃以無恐每勢棘鄰村避寇入堡眾不能容爲之畫地
編茅俾免露處人尤感之事平口不言功尋以挑入二
等例得校官攝臨清州學正甫抵任遽以寒疾卒寶書
學富才敏爲文下筆千言風發泉湧略似其父叔竟以
鄉舉終執友皆嗟惜之

甯陽縣志

卷之十三

文學傳

三

周維楨字正圃祚聰子

祚聰見前志篤行

幼稟家法庭闈離睦

讀書姿性穎悟蒼萃衆說考撰異同發其扁奧文詞秀
朗詩巉峭有奇致早補諸生與兄增生維衡並負時望
嘉慶丙子鄉闈同膺房薦兄被乙維楨以副榜推貢咸
豐二年選昌邑教諭未赴任居鄉教授時彥多從之游
鄉黨矜式年七十二卒所著詩古文與兄維衡同編名
墳篋集子榜錦從九品

吳瀛洲字二橋

戴村人

增生家素貧篤學好古性孤峭與

人落落寡合一編靜對寒暑勿間爲文獨抒性靈不肯

俯首就有司繩尺坐是屢試不利意灑如也咸豐初邑侯陳公重修縣志知其才學延充分纂覃精編錄於桑梓文獻摺摭尤勤同事咸推重之年八十四卒生平著述甚富有學庸指掌五卷古今法戒一百五十卷知古捷徑六十卷及賸夫詩草詩腋四聲對韻各若干卷并藏於家

楊德成字躋上

王家院人

初由滋陽入甯陽籍性敦篤事嗣

父以孝稱鍵戶讀書不預外事博覽羣籍尤精研四子書別具識解喜說史漢亶亶可聽爲文恪守先正遺軌

甯陽縣志

卷之十三

文學傳

四

雅潔不事雕飾累擢異等以廩生積資充貢隱居教授弟子著籍者數十人一時後學翕然宗之年九十餘卒

劉文淇字右泉

高橋村人

少聰敏喜讀書從兄文溪受學於

甯訥文淇經其指授爲詩文有法早補諸生尋以優等食餼學行著於時輩一鄉矜佩多從之游賓賓奉教惟謹望而知爲右泉弟子也時黃進士恩瀾方以高才生爲一黷領袖文淇往同硯席學益進文益工顧不得志於省試自安義命處之怡然生平無他好惟嗜酒一杯獨酌嘯咏自得所居近劉伶墓嘗語同人曰吾異日得

與伯倫同游地下足矣晚以積資充貢尋卒

劉錫齡字與九

黃茂村人

少穎悟早入邑庠有聲旋以高等

食餼益自奮勵鍵戶發篋手披口吟於四子五經皆反覆研究確有心得旁及醫卜星歷之書靡弗賅貫為制義恪守先正遺法不事剽襲歲科試累冠其曹而屢躋棘闈迄未一遇自安義命處之泰然設館授徒盡心獎掖邑西知名士多出其門一時推為宿儒晚以積資充貢尋卒子敬一庠生枚一廩生

甯繼楨字幹臣

前望峯村人

幼失恃克自樹立事繼母如母

甯陽縣志

卷之十三

文學傳

四九

視異母弟如同母弟內行敦篤族儔無間言才敏嗜學文譽噪於鄉校弱冠補諸生以優等食餼友教四方多所造就中年因病廢帖括業乃更潛心岐黃之術上窺靈素兼通仲景東垣諸書莫不窮其奧窔別有神解扶僵植仆活人亡算一時翕然有盧扁之譽而不願以醫名除診病外絕口不譚醫或叩其故所然曰昔管公明云善易者不言易吾亦云善醫者不言醫一如歐陽公之不言文有難言者也晚益謙退與物無競盎然春風人皆敬愛積資推貢以子天蔭布政司理問銜請封加

例年近八旬壽終

趙湘字蘭浦金鏞子

金鏞見前志方技

道光中歲貢幼敏悟讀

書寓目不忘博攬羣籍為文不事剽竊獨標新穎詩兼諸體尤工試律時路閩生裡花館試帖盛行摹其筆格往往神肖弱冠游庠屢擢優等食餼文行為一時所重學使吳公慈鶴嘗手書學探洙泗淵源近品粹圭璋氣象殊楹帖贈之其推獎如此教授生徒多所成就屢踐棘闈輒以細故被乙鬱鬱以明經終

甯廉字介堂

核桃園人

振華子

振華見前志兄傳容傳

資稟穎悟兼有

甯陽縣志

卷之十三

文學傳

三

幹略早歲肄業東魯書院時孔廉訪慶鈺方充山長名知人見其文亟賞之旋補諸生秀甲一黌以歲試第一食餼屢列高等為文風發泉湧不蹈恆蹊友教四方從游多知名士別號柳門有柳門詩鈔藏於家鄉闡屢薦不售中年抑鬱以卒士論悼惜

甯恩綬字印若憲子

憲見前志良吏

幼承家學聰敏能文弱冠

以第一入邑庠馳譽黌序時黃中丞恩彤罷節歸恩綬偕弟炳綸往從受業中丞深加器異比之甯廉目為後起之秀咸豐初舉行團練邑侯董公署為副長時承平

久民不知兵胥動浮言責以大義曉以利害衆情始定於是併村束伍次第就緒既又倡衆築堡與鄰村互相保衛一方賴之年未四十遭疾遽卒士論悼惜

李擎字翰周

西疏村人

性穎悟力學能文受業劉明經錫齡

辨難質疑每有起予之歎早補諸生以優等食餼文譽籍甚家貧授徒賴脩脯以養親多所成就以副榜推貢中年遽卒士論悼惜

劉允一字式堂

黃茂村人

性純靜嗜學明易數兼通歷法屢

擢異等郡縣知名設館授徒引掖後進孳孳弗倦於桑

甯陽縣志

卷之十三

文學傳

五

梓遺文留意哀錄每聞節義孝行必諮訪巔末爲文以闡揚之惟恐淹沒學使呂公序程異其文獎藉甚至踏蹬棘闈竟以廩生終

劉澍芳字雨村毓奎子

毓奎見前志篤行

孝友夙成穎悟嗜學

年十七以郡試第一補學籍旋充增廣生更謁名師銳志攻苦文行日進屢踐棘闈未遇尋以持門輟業治家井井有條與人交和平樂易從無疾言遽色鄉鄰爭競力爲排解所居距縣署不半里足跡未嘗一履公庭亦不與聞公事閉門養高一編靜對泊如也年七十卒子

廷璵廩生

郝永湘字蓉皋

曹家寨人

道光中諸生天稟肫摯事親以孝

聞父歿事母尤敬養兼至得其歡心一生不邪視不徑行操履方整而胸無町畦常面折人過受者不以為憾敏而勤學為文淵雅有局度屢踐棘闈輒被乙乃援例充貢閉門教子兼課生徒經其誘掖多所成就年五十遽卒士論惜之子忠厚皆庠生

陳芳叢字馥堂

夏戴村人

道光間增廣生事親色養兼至為

學勤篤屢擢異等友教四方從游者眾經其指授先後

甯陽縣志

卷之十三

文學傳

三

隸名學籍者累數十人鄉塾罕與儷者晚年涵養充粹和藹可親而操履彌謹足跡不入城市人罔敢干以非禮年七十三卒門人私諡曰文和先生

陳漸達字鴻翥

伏山人

賦性溫良勤學好問束髮能文著

稱鄉校應童科屢被乙益自奮勵乃以縣試第一補諸生旋列優等膺房薦未售遂無意進取假館授徒從游日眾經其陶染率多成名晚年入貲充貢壽八十七善

終

李雲華字西峯

關王廟人

性孝友聰敏能文早補諸生旋擢

高等食餼累踐棘闈不第積資充貢注選訓導居近城邑非公事不至縣庭假館授徒多所陶鑄尋卒

賀習曾字魯齋西穉山前村人乾隆初廩生才敏力學文譽籍

甚屢困場屋壬午鄉試合格擬中以細故被乙尋因喪母過哀染疾遽卒士論惜之

重增

周澇桐 甯天瑞 周亮功 張時斌 子儒銘

周澇桐字蔚園遠調子遠調見續志篤行家世藏書幼閑庭訓

束髮就傅聰警軼凡一覽千言闇誦輒朗朗能文詞工

甯陽縣志 卷之十三 文學傳 五十三

韻偶優於翰墨兼善篆鑄腕力雅近率更章草則瀟灑

自如化盡鋒角早歲遊庠秩餼卽以律賦楷法見知宗

匠道光己酉充選貢同治壬戌併科中式謁揀後晉銜

同知爲人沈敏遇事罕大言而內饒志決緩急不渝以

孝友睦庭闈以然諾信鄰曲咸同年間村圩未竣猝當

股捻折竄躬自糾聯且繕且防不替昕夕同里賴以保

聚顧鄉團死事有孤露莫告者計偕徑籲御史台均得

卹蔭如例其風義相期多類此屢躋春闈以二等注挑

選副沂水學卒官年五十四衣冠慨然光緒初襄績巨

乘於藝文地志兩編詮訂尤夥著有吟社詩存弄於家子二語祥監生應祥廩生

甯天瑞字輯五

邑西蕭家村人

傳銘孫

傳銘見五等貢錄

先世儒業傳

家遞相授受積學善教書文頗富天瑞孝友性成端穎

嗜讀與兄廩生天英早承庭誥悉讀遺書天英倜儻不

羣文思泉湧風發似其叔祖傳鈞

見前志文學傳

馳譽巽序試

輒冠軍惜早卒天瑞益自刻勵博通載籍爲文語有根

柢以先正爲宗弱冠遊庠累列高等食餼中年文益進

學益邃不沾沾事制舉業屢躋棘闈處之泰然遂盡心

甯陽縣志

卷之十三

文學傳

五十五之二

獎掖後進多所成就益爲謙退不苟言笑與世無爭晚以積資充同治中歲貢尋卒家世雖末大顯一門六世明經十世隸學籍士林推重天英子衍綱庠生

周亮功字彤閣

石碣集人

郡廩生蚤年失怙哀毀若成人事

母先意承志母多疾衣不解帶者動厯半載撫二弱弟

教養兼施俾各成立三弟亮時獲登賢書亦稟兄教也

初應縣試受知於汪東牧大令知名後友教四方循循

誘掖經其指授者多蜚聲庠序惜學贍數奇年四十三

遽以疾卒

張時斌字頽士

葛石店人

鈞衡子

鈞衡見五等貢錄

幼而孝友出嗣

長房事嗣母色養備至喜讀書手不釋卷研究四子五經皆有心得為文恪守先正學使根雲何公亟賞擢之食餼後屢薦省闈不售遂援例充貢性安淡泊不理家人生產惟購書及名人筆跡吟誦自娛中年涵養充粹操益方謹足跡不入城市著有葛石山房詩續鈔子儒銘字西屏廩生姿貌瑰瑋秀逸少穎悟就傳日誦千言弱冠蜚聲鬢序為文獨闢町畦自抒心得博極羣書尤嗜四子書及義經寢饋其中喜書先儒格言徧置座右甯陽縣志

卷之十三

文學傳

五十三之二

以慎獨為宗並悟濂洛精義靡弗賅貫著有易通十卷論語翼二卷藏於家詩有奇致非所好也年踰五十循資應貢遽卒士論惜之子庭穀庠生

武功傳

元

武進甯仙

武進字君光奉符人

進為邑之西高村人墓在村東曰奉符者元時縣境半入秦安也

幼聰敏壯以鷲勇聞世祖至元六年與師南伐進以良

家子隸萬戶張宏範麾下

宏範時為益都淄萊等路行軍萬戶故山東兵多屬焉

宏範引置左右甚見親用從下襄陽充管軍百戶

元制

戶所百戶從六品下百戶所百戶從七品俱銀牌

累功至忠顯校尉

元制武散官第二十

六階從六品

管軍總把改昭信校尉

武散官二十四階正六品

二十年占

甯陽縣志

卷之十三

武功傳

齋

城之役

占城國在南海外世祖因其拘留使者何子志等與師討之

中書右丞相以

海舟運糧令進率銳卒防護道經木棉山巨賊黎德等

伺間剽掠進力戰奪其舡數十賊眾奔潰追北踰白藤

角生擒黎德餘眾懾伏運道無梗會偽歐王作逆大將

越的迷失奉命致討進以軍從直抵賊寨所向披靡偽

王道走入山旋即授首事平論功擢承信校尉

武散官二十三

階正六品佩銀符陞官軍千戶

上中千戶所千戶正五品下千戶所千戶從五品俱金牌

進每臨敵奮不顧身又不自矜伐人以此多之

據武君先塋碑

子國貞至大二年仕至武義將軍

武散官二十一階從五品征西

元帥元制都元帥府設副元帥二員孫祥隨明宗出鎮雲南延祐二年泰定

時為河南副元帥曾孫士英至正時官指揮使俱見墓碑

甯仙奉符人仙乃邑之泗望村人元時隸奉符世祖至元六年補軍伍

逾歲游陞彈壓屬徐千戶所元制上至元十一年冬左

丞相伯顏大舉南伐由漢口入江破宋將夏貴之師遂

渡南岸仙從征與有力焉十二年春復從右丞阿里海

牙戍鄂今湖北武昌府下岳州在是年攻沙市城平定江陵克

湘陰是年仙以資陞行尋圍潭州今湖南長沙府大小數十戰

凡歷七十餘日拔之在十三年正月按仙墓碑云攻潭州三箇月彈壓勾當與元史阿里

甯陽縣志 卷之十三 武功傳 五

海牙是役也因南土卑溼士多被疾乃於岳州置病軍

堂以仙為提領元制管民提領正七品甚有恩惠凱旋仍以行軍

都彈壓督理屯田世祖二十三年於濟甯路置尙珍署領屯田四百五十六戶延祐

初卒以上皆據仙墓碑及元史

明

董其成

董其成字欽鄰沈毅有勇略崇禎末與子靜修潛修督

練鄉兵屢捍土寇每持大刀臨敵連鄉恃為保障十三

年泰安賊掠汶南其成與朱克配禦之石梁口斬其巨

魁餘衆胥遁語詳克配傳

國朝定鼎大府欲假以職銜辭不受

國朝

韓芝芳 朱思訪 趙時聘 弟時顯

柳元善 子

世勳

于鳳魁 陳安邦

韓芝芳

邑東北韓家海子人

廩貢生內行敦篤慷慨好施果毅嫻

武略明季散家財振給貧瘠招集丁壯練為士兵寇發

輒殄滅之一方恃以無恐與朱克配居相近意氣傾注

互為聲援既同平馬良秦景二寇

事詳克配傳

彩山左右咸

甯陽縣志

卷之十三

武功傳

奕

獲按堵年八十餘卒三子皆入邑庠以儒素世其家孫

池

見篤行

自有傳

新樂社三元廟碑記敘芝芳戰功云明末寇亂歲歉災異游臻彩山巔東盡為

強暴大汶口南數出渠魁肆劫縱擄雞犬無聞何幸天

佑良民默助我等協力殺賊汗馬幾經血戰義旂所向

披靡元兇迎刃授首餘黨倒戈納降幸而兵火暫息室

家僅保雖宇內干戈未定而惠此一方是亦一方太平

云云按此即指擒斬馬秦二寇之事

朱思訪字德我 邑北戴村人 少有智略崇禎末土寇蠡起思

訪與同宗朱克配團練士兵剿捕羣醜一方倚為保障

順治初從征江南克配擢六安州同知思訪亦以千總

候推會叔宗時為青田令思訪隨行之官適有流寇攻

城思訪率眾登陴隨機戰守賊失利遁去城賴以全尋歸卒於家子體宏庠生

趙時聘 邑東北三埠村人 驍猛多力順治初從朱克配平土寇

有功

賜守備銜弟時顯少以勇敢著稱朱克配從征江南時顯隨之先登陷陣累著勞績後以力戰被傷歸

賜守備祿養之終身

柳元善字統四 邑東北臺裏村人 少肄孫吳兼精騎射力能關

六石弓發必破的早歲入武庠康熙癸巳舉於鄉戊戌

甯陽縣志

卷之十三

武功傳

五七

成進士歸班家居數年奉調進京部試弓馬如式充正紅旗漢軍教習期滿課最授江南壽春營左軍守備分防宿州時沿江寇盜嘯聚萑苻乘機肆擾元善奉檄剿擒殲除殆盡以軍功引

見蒙

恩召對諭獎溫渥兼拜雙戟寶刀之

賜蓋異數也擢中營都司疊著勞績引年告歸七旬餘猶矍鑠

健飯旋以壽終子世勳果毅有父風少承家學便習弓

馬由乾隆辛酉武舉授湖南岳州衛領運千總善撫軍

戶杜絕陋規威惠竝著以功陞衛守備卒於官子振聲
監生峻聲武生

于鳳魁字翔千

邑東徐家窪人

膂力兼人弱冠投充鎮入伍熟

習弓馬兼嫻技擊擢恩縣把總嘉慶初從征川楚枕戈
臥甲誓欲殺賊立功尤能與士卒同甘苦健兒皆樂爲
用楚地卑溼染疾遂不起論者惜之

陳安邦早年投充鎮入伍嘉慶初從征川楚歷經在河
南新野縣湖北襄陽縣陝西山陽縣四川奉節縣豐城
寨馬巴寨諸處殺賊立功疊蒙賞賚弁超授千總銜五
甯陽縣志

卷之十三

武功傳

五

年八月隨鎮帥李公追賊至湖北二竹力戰受傷回營
調養傷痊拔補經制外委十八年曹州教匪倡亂定陶
失守復隨運司劉清擊賊於徂山大破之安邦久歷行
陣屢著功績竟以末弁終

右武進甯仙據墓碑補董其成朱思訪趙時聘時顯
據採訪補柳元善以下新增韓芝芳見舊志

贊曰自昔儲才文不廢武桓桓校尉闕如哮虎超海
禽渠傾山捕虜明季寇滋朱公禦侮數子佐之民獲
按堵柳實將才遭逢

聖主雙戟寶刀焜煌戎伍

續增

仲統岐 沈錫齡 趙心峙

仲統岐字雍柱

壘城屯人

賢裔也父緒昌諸生知名早卒統

岐事繼母如母畜異母弟友愛不異同生族儗稱美家中落堂叔緒曾見其魁梧異常人仗助俾肄武遂精技藝力舉三百觔挽強命中以郡試第一補武生尋膺鄉舉魁選會試未第例以千總發撫轅効力因侍母疾未赴母歿遂不復出統岐雖嫻武事而藹然春和綽有儒

甯陽縣志

卷之十三

武功傳

堯

風每邑中工役必倡率急公官民咸倚仗之尤好拯危濟困排難解紛輿論翕然推服自以堂叔扶掖成名於其卒也力助其幼子弱姪身任勞怨卒完其家所居當南北孔道同治初捻匪歲屢至民苦流移乃倡眾築堡共守寇不敢攻一方恃以為固後以軍功議敘守禦所千總尋卒子延修監生安清武生

沈錫齡字瑞九興義子

興義見篤行

幼業儒弱冠以父命就

武科挽強破的膂力絕人由武學生應鄉舉遂中魁選試京闈未遇以侍父不仕性極誠篤恂恂若儒生善承

父志早作晏息粗衣糲食與僮僕共操作以父喜勤儉也賴其佐助家日以亨遭父喪過哀竟以疾卒距父歿僅十餘日耳人皆悲其孝而惜其才子夢爵廩貢候選訓導化龍現任守備於侍衛任內恭遇 覃恩封贈祖若父如例

趙心峙字卓峯

紙房村人

家貧嗜學弱冠補郡庠生友教四

方多所成就庚申寇難散遣生徒與同事聯團捍衛嘗率鄉丁隨團總甯復箴禦南捻於城西諸村又隨程肇棠等於東山香泗等處剿捕土匪勇往爭先人皆壯之甯陽縣志

卷之十三

武功傳

六十

兩次修城計村分工均自備器用晝夜從事工竣論功得六品銜尋卒

重增

沈化龍

沈化龍字雨生錫齡次子

錫齡見前

賦性穎悟孝友肫摯喜

讀書有大志兄夢爵

見五等貢錄

好學能文早補邑庠食餼

父精騎射欲以化龍世其家遂肄武悉傳父法挽強命中兼善技擊咸豐己未由武監登魁選同治乙丑成進士 殿試授藍翎侍衛守乾清門復於京師團防局効

力議敘五品銜癸酉選授湖北撫標左營守備抵任後
剔除積弊整飭戎伍訓練士卒德威兼施以廉能稱職
歷充乙亥丙子己卯三科鄉試巡捕晝夜不懈試竣加
一級紀錄一次旋以軍政卓異卽補都司名績並隆宵
匪聞之潛匿遠近賴以安謐大憲深倚重之益爲謙謹
恂恂雅飭性尤樂施時有中軍某當推存因虧公數百
金滯留省會乃爲之完納得抵陞任他如東省需次湖
北人員或乏資斧及負累難歸每竭力周濟無難色其
戚族被沾濡者亦不下數十家歷任九年囊橐蕭然意
泊如也以勤勞致疾卒於官年未五旬士論以爲未竟
其才多悼惜之

忠義傳

元

尹 侃 子元

武 元 弟全

尹侃沈鷲有勇力以百夫長從征胡廣蠻戰於襄陽黃

土岡先登陷陣遇伏死之子元驍果類其父中統四年

以良家子補尺籍至元九年從軍立功擢百戶領軍墓在

石梁村東有延祐四年孟夏碑記

武元從征交趾充領軍都鎮撫先登戰沒時人惜其忠

勇弟全以兄故受季陽翼萬戶劄付權軍百戶事屢出

甯陽縣志

卷之十三

忠義傳

空

遠征立功殺敵後歸老於家

見西高村延祐三年碑記

明

朱永膺 柳國棟 陳朱墀 杜允升 趙文鳳

徐汝芳 孫嗣奇 弟允奇 周啟魯

朱永膺字深元

伏山人

篤學工詩早補邑諸生與兄永思

俱知名副使張登雲時相倡和

詩載葛石山房遺稿

永膺孝友端

方不偶流俗有介然之節崇禎初以歲貢選授夏津訓

導啟迪有方士論翕服十一年

大兵臨城官民拒守不下永膺分守西門慷慨登陴以

死自誓外攻急城且陷永膺歎曰城亡與亡分也面集
二矢堅不撓卻城破持巨槌巷戰力竭死之夏津人思
其英烈崇祀名宦本邑祀鄉賢

柳國棟邑東北周村人軀貌魁傑剛正有膽略天啟間補邑諸

生選尙魯藩鄉主以儀賓賜爵護國將軍宿衛國邸著
方鯁稱王深倚重之崇禎十五年

大兵南下圍兗州國棟奉王命守城時兵力單寡外援
不至城陷死之主亦自縊子祚盛方幼乳媪抱匿民舍
得免及長克自振勵卒完其家壽至九十卒子孫多業

甯陽縣志 卷之十三 忠義傳 三

儒會孫繼禮自有傳 見文

陳朱擘字瑤函 邑西臨邑村人幼穎秀年十四補邑諸生剛果

嫻武略崇禎十五年

大兵南趨兗州游騎分徇諸旁邑縣令李公之庚率士
民櫻城拒守朱擘與焉城陷之庚殉節朱擘聞之曰我
不負李公挺身巷戰力竭死之弟朱垣自有傳 見良吏

杜允升字大猷 邑西北連望村人廩貢崇禎十五年東山賊竄

擁至城下允升執戈捍禦力戰死之

趙文鳳邑東三埠村人崇禎末由歲貢生任聊城訓導土寇破

城死之孫國琦康熙中由歲貢任恩縣訓導

見五等貢錄

徐汝芳字紹南少負才力信義勇決崇禎末土寇遙午汝芳督練鄉兵與朱克配互為聲援手持渾鐵鎗屢與賊戰身先陷陣所向披靡後追蔡慙至韋周村遇伏死之後人因名所居曰徐家營

孫嗣奇字天霖

邑東北孫家灘村人

弟允奇字永錫崇禎末俱為

邑諸生知名庠序兼通武略時甯陽東北諸山半為賊巢每出焚掠嗣奇團練土兵保衛鄉間一方賴安一日平明賊眾猝至嗣奇未暇朝食率眾出禦久戰腹餒遂

甯陽縣志

卷之十三

忠義傳

三

遇害允奇繼至誓復兄仇奮勇搏戰軍勢復振賊大奔斬馘無算時朱克配及韓芝芳各練土兵捍賊允奇與相犄角馬良等皆畏憚之

國朝順治初克配判六安州允奇偕行迨平定英霍諸山寨每為軍鋒所向有功大府欲假以官辭不受會克配引疾遂與俱歸卒於家

周啟魯字牖蒙

邑東石碣集人

天稟英異早補諸生食餼有聲

於庠兼嫻武略崇禎末授徒於汶上縣東門孔氏家時大兵南下兗郡瓦解汶上令某公帥紳民完堞繕備用

聞啟魯知兵延與共守會

大兵臨之強弱不敵城破啟魯被執不屈死之子弼成

自有傳見篤行

國朝

任萬清

任萬清

邑東北西太平村人

少倜儻有膽略年二十八投充鎮入

伍嘉慶初從征川楚屢戰荆襄間殺賊立功蒙賞銀牌

金頂後復與賊遇道險狹官軍失利萬清獨與本隊百

餘人直前擊賊殺傷略相當俄被賊目擲斧中其額朱

甯陽縣志

卷之十三

忠義傳

七

殷被面勇氣倍厲即執賊又還擲賊目立斃之賊少辟
易故本隊未至覆沒而萬清因傷重死後入祀兗郡昭

忠祠

右尹偁武元據墓碑補杜允升趙文鳳徐汝芳孫嗣

奇允奇周啟魯據採訪補任萬清新增餘見舊志

贊曰寒飆振木貞松彌勁君子似之見危授命師出

凶門義不轉脛委骨沙場輕於破甌勝國陽九殉城

守正一旦引決千秋竦敬

續增

咸豐中甯陽凡兩舉團練初以禦髮逆繼以遏捻匪也夫以襁褓之夫付之衿佩之將倉卒授兵以當方張四足之寇與之野戰其勝負誠有未易言者然不費官家斗糧束矢而踴躍赴敵乃至斷脰絕吭不之顧洵可謂壯且烈矣而

國家旌卹之典亦復破越恆格至優極渥詎非所以正人

心作士氣哉

定例候選同知殉難照同知殉難例加贈道銜廕一子入監讀書六月期滿以知縣

註冊候銓副榜殉難照七品官殉難例加贈都察院經歷銜廕一子入監讀書期滿以縣丞候銓貢生殉難照八品官殉難例加贈布政司都事銜廕一子入監讀書期滿以主簿候銓生監及從九品銜殉難照九品官殉

甯陽縣志

卷之十三

忠義傳

奎

難例加贈鹽運司知事銜廕一子入監讀書期滿以主簿候銓新章從九品以下均照四品官以下陣亡例給雲騎尉世職襲次完時予恩騎尉世襲罔替舉貢生員陣亡給雲騎尉世職襲次完時毋庸給恩騎尉世襲罔替民人入祀本縣忠義祠綜計團丁傷亡莫多於夏暉渡口一戰

今首列於冊餘併附焉有事實者為之傳以例其餘

劉登翰

候選直隸州判有傳見藝文

申傳書

山西潞城縣人從九品有論見藝文

徐宏節

文童孫丕甲

劉均炳

王鳳翎

朱大興

安繼新

李盈

張維龍

牛希禹

牛潤望

孔憲潤

鹿廷綱

張傳容

張鳳安

周兆寅

胡兆成

董來奎

張繼興

甯繼範

有傳張傳漢

甯天亮 張振岱 張振河 顧應振 張承元

張崇光 王承祿 楊鳳全 許兆相 許九安

周之俸 周太常 周隆章 萬秉智 萬秉仁

徐紹仙 路毓春 許承亮 甯天新 甯天庚

甯天相 鄭繼河 徐紹鳳 徐紹乾 徐紹先

徐印磊 徐衍所 徐衍福 徐貞琢 趙存林

顏振清 趙桂福 吳鍾登 李盛德 劉福茂

李振殿 張之縉 孫寶成 孫濟泗 孫永昌

孫文芹 孫衣錦 孫文芳 孫格錦 孫濟春

甯陽縣志

卷之十三

忠義傳

五

孫濟洛 孫濟漳

以上紳民六十九名俱於咸豐十一年二月在夏

暉渡口追賊陣亡經團總縣丞甯復箴赴都察院

呈請奏明予卹如例

曹伯洋

候選同知有傳

周之瑤

周嗣猷

黃元龍

有傳

甯繼範

有傳以上俱從九品

蘇允重

副榜有傳

甯傳敷

歲貢

有傳

徐雅範

貢生有傳

方振揚

有傳張裴度有傳

邵春年

楊天驥

王炳圻

有傳以上俱附生

周景松

顏懷孝

以上俱奉祀生

周隆雨

以上殉難紳士十六名俱於同治六年經御史崔穆之彙奏予卹如例

劉枋實 從九品 有傳

張允淮 李方昌 朱傳楷

許士楷 以上俱奎文閣典籍

任昭暄 從九品 有傳

劉善如 有傳

張燦斗 有傳 張體鳳 有傳

張雨灼 紀秀朗 以上俱文生

柳潤瑾 歲貢 有傳

徐文粹 附貢 周榮第 朱桂 有傳

孫越 有傳 以上俱廩生

以上殉難紳士十六名俱於同治八年經順天府尹彙奏准照定例及新章分別予卹

甯陽縣志

卷之十三

忠義傳

奎

孫廣仁 張進鳳 薛景來 李武 王永祥

王松盛 趙立中 鄭繼言 劉嘉龍 劉申

朱英開 徐衍禱 徐衍陸 徐衍廉 徐衍品

邵丙榮 陳文翰 蘇玉琴 鄭繼緒 孫衍禮

宿繼松 杜永朋 王蘭亭 李長清 孔兆信

胡梅林 趙師郭 張化清 張鳳朗 于兆春

于繼唐 于繼尹 徐秉仁 徐衍宣 李光電

徐衍鐸 徐衍根 李臨元 徐紹忍 朱思善

宋興貴 張振宗 監生 張傳元 胡廣亭 劉大元

趙工人 張承廣 丁瑞有 顏錫玉

以上士民四十九名俱於咸豐同治間或禦賊被殺或不屈遇害或自盡全節先後報縣有案

郭鴻磐有傳 王瀛濱有傳以上俱附生 李鏢錦監生 劉文華奎文

閣典 趙文蔚 趙文印 李方昌監生 張待聘

張興璧 曹思登 曹思河 曹毓麟 李廷珍子元

貴孫 行孟 劉元彪從九 馬維藩文童 陳興儉文生 殷培森

甯繼顏 孫芹 甯衍年 甯天寅 朱瑞樸

牛允錦 李錫錦武生 齊永純 裴素峯監生 齊永為

甯陽縣志 卷之十三 忠義傳 矣

齊永盛 齊景從 齊丙言 齊端立 王俊祥武生

陳兆琉監生 曹臨峯以上二人會充團長俱以禦賊被害 李位東文生

李卯從九品銜 高連珠監生 王士錦 孟廣訓

李元符均以帶團禦賊被害 劉枋述 高蘭 安興隆

以上殉難士民當時未經呈報茲據採訪補錄

曹伯洋附孔廣霖 蘇允重子毓曇孫慶恩 姪丹亭 曾元孫憲閏

劉枋實弟枋棣 張裴度 甯傳敷 柳潤瑾

劉廷祐 趙中立 陳述章弟秀章 徐雅範姪

鍾璋姪孫 郭鴻磐 劉桂選 黃元龍 甯繼範

方振揚 徐尙椿 任昭暄 蔣燦亭 劉兆寅

朱 桂 孫 越 劉枋沁 張體鳳 王炳圻

劉善如 顏懷孝

曹伯洋字瀛波 王家窪人 監生助餉議敘同知銜豪邁不羈

名聞鄉邑待族鄰以禮畜僮僕有恩咸豐十一年捻匪擾境遇賊不屈被害身受鱗傷時家人多散去獨老僕孔廣霖慨然曰依主人衣食數十年臨危而避其難乎直前扞蔽力竭死於伯洋之側事聞伯洋贈道銜自行建祠子季槐以知縣待銓軍功議敘州同廣霖附祠

甯陽縣志

卷之十三

忠義傳

完

蘇允重字子厚

蘇家樓人

早補諸生累試不第以年資例得

副榜積學善教一方推仰咸豐十一年捻匪擾境允重九十有三矣與子毓彙姪監生丹亭拒賊不屈同時遇害曾孫慶恩被擄不還元孫憲閏投井死事聞贈卹如例

劉枋實字秀園

王卞村人

從九品銜天性純篤以孝友稱為

鄉里所信附咸豐中由縣派充團長聯村捍寇庚申九月賊大至率眾禦之弗勝居近鶴山有險可扼乃趨赴之相隨者數千人疊石為壘防守嚴固賊不敢犯而去

時土匪擾邑城率眾擊走之一方恃爲保障次年春賊勢轉盛復大至眾寡不敵仍率眾避往鶴山賊環攻相持半日眾饑渴勢不支乃哭告於眾曰敗矣欲去者速去留此俱死無爲也眾猶不散固遣之乃紛紛下山賊乘勢亟登枋實與弟枋棣拒戰力竭俱歿於陣其子庠生鳴皋亦受重傷越半載始愈事聞贈卹如例

張裴度字榴園濟廣子

濟廣見前志篤行

幼稟家學資性果毅

早補諸生知名中年以家貧兼習醫術非其志也咸豐辛酉春子之貢隨團總甯復箴追賊至夏暉渡口力戰

甯陽縣志

卷之十三

忠義傳

七

陣亡有唁之者慨然曰兒爲國殤得死所矣容不爲戚時方舉行團練裴度與其事癸亥賊又至初僅百餘人易視之乃白集村中健兒禦諸官莊之南原戰始合賊大至眾潰裴度死焉賊退尋獲其屍眾刃攢膚猶戟手作罵賊狀目未瞑也事聞贈卹如例

甯傳燾字學圃世芬子

世芬見前志文學

幼失怙好學不倦與

兄傳敦

見篤行

互相切劘比長攻苦益力早歲補諸生累

擢高等食餼爲文筆格遒勁遂與兄齊名平生操履端整奉母敬兄族黨稱其孝友旋以積資充貢庚申之變

居民紛紛避寇傳教獨閉門守舍不去謂家人曰死生有命草間求活我不爲也未幾城陷擾及附郭遂遇害事聞贈卹如例

柳潤瑾字問黃

胡村人

幼稟異才嗜學不倦弱冠補諸生

以學行知名旋擢異等食餼累踐省闈輒被乙意怡如也設帳授徒從遊者衆多所成就晚年以積資充貢學益充粹一方推爲宿儒庚申秋捻匪擾及縣境居民奔潰潤瑾語家人曰若等速去無爲俱死也家人請同行則曰吾老矣行將安之乃具衣冠令家人扶至先人墓

甯陽縣志

卷之十三

忠義傳

三

側曰狐死首邱此吾死所也亟麾家人使去而端坐以待寇果至問之不語脅以刃不動遂遇害事聞贈卹如例

劉廷祐字吉甫偉瞻子

偉瞻見文學

監生幼承庭訓孝友著

聞守身如執玉庚申之變邑城失守廷祐挈家避寇渡汶而北猝遇賊知不能脫盡毆婦女入井而身與賊鬪力不支遂被害後其婦女遇救得生

趙中立

板倒井人

咸豐辛酉賊自北至糾村衆百餘遏之汶

濱衆見賊勢大不戰而退中立後至望見數人被圍卽

持銃往救衆止之不聽及與賊戰衆寡不敵遂遇害

陳述章

蔣家廠村人

監生知書明大義庚申之變與弟監生

秀章同陷賊中賊繫之脅降述章罵曰賊奴且暮死敢辱士邪賊恚殺之秀章與鬪亦死述章妻周抱幼女秀

章妻顏抱幼子俱投井死

徐雅範字模亭

平陸村人

附貢生持躬端謹閉門養靜以文

史自娛咸豐辛酉春捻匪再擾縣境家人勸其避寇弗聽遂遇害姪武生雲翔孫鍾璋同及於難

郭鴻磐字安如

鵝鴨廠村人

性敏嗜學家貧不能具膏火同

甯陽縣志

卷之十三

忠義傳

三

族尊屬玉本玉章嘉其有志力為伙助益自振勵記覽日富尋入邑庠友教四方藉脩脯以養親其教弟子先經傳而後文藝多所成就庚申秋捻匪猝至鴻磐欲糾衆為自守計鄉人笑其迂皆逃散乃整衣冠坐齋中賊以為富人也向索財鴻磐罵曰狗奴天將滅汝奚以財為賊恚以繩勒其口繫其手足攢刃刺之遂遇害

劉桂選

小北村人

武生倜儻有膽略便弓馬有弟四人友愛

甚敦均教之肄武相次隸學籍鄉鄰稱羨庚申之變倉卒避寇既歸詢賊狀曰易與耳再來當創之次年春賊

果至率子弟及同村百餘人禦諸村後賊少卻旋聞角聲四起賊騎螽蟻集勢不支衆潰桂選力戰歿

黃元龍

陳家店人

從九品銜少忼爽善技擊咸豐庚申捻逆

肆擾元龍糾衆禦之至柴家莊北嶺與賊遇賊衆且騎元龍步戰先登陷陣殺賊數人賊怒呼噪合圍元龍跳盪不得出觸石而顛遂遇害事聞贈卹如例

甯繼範

礪西村人

從九品銜勇而好義咸豐辛酉隨團總甯

復箴追賊至夏暉渡口賊騎且衆勢不可當遂力戰死事聞贈卹如例

甯陽縣志

卷之十三

忠義傳

三

方振揚字石帆

雲谷莊人

郡庠生力學知名乙丑寇警振揚

在張家樓堡偕弟伯章率衆防守東門伯章發礮擊賊礮裂傷手斷腕衆怖懼賊乘勢急攻堡破衆潰振揚死之事聞贈卹如例子恩蔭廕主簿

徐尙椿字蔭庭

馬家村人

自幼聰敏讀書能文應童試未售

庚申之變遇賊被執賊目愛其才戒無殺欲留作幕客不從賊禁不與食仍脅之降怒曰安有讀孔子孟書而從汝作賊者殺則殺耳繼之以罵遂被害於城東門外任昭暄字曉光

八里廟村人

從九品銜性剛直不爲勢屈

鄰鬪爭得其理勸立罷咸豐庚申捻匪過境突入其家執而縛諸樹脅以刃索金昭暄怒罵賊恚甚縱火焚其廬以嚇之罵愈厲賊解其縛投火中遂遇害子憲寅監生

蔣燦亭 洺河屋村人 從九品銜居心忠厚事父母以孝稱好

施予里中貧家多蒙其惠咸豐十一年春捻逆過境土匪乘之為變率村眾禦賊眾寡不敵退入叢祠中羣賊追至攢刃刺之遂遇害

劉兆寅字曉東 路家莊人 監生資稟剛毅見義勇為咸豐十

甯陽縣志 卷之十三 忠義傳 七

年首倡團練立砦鶴山糾眾共守次年二月砦未成而賊大至被執不屈遂遇害

朱桂字林一 邑西羅山村人 廩生學行知名咸豐十一年為賊

所迫投井死事聞贈卹如例子傳欽廉主簿

孫越 邑西杏山莊人 廩生卓犖尚氣節咸豐十一年遇賊不屈

被害事聞贈卹如例子基廉廕主簿

劉枋沔字泮溪 西張村人 奎文閣典籍銜好施濟尤重交游

久之家漸落咸豐辛酉春遇賊為所執索取財物旋知其匱乏已置之矣因見賊焚掠正言勸止不聽乃仰天

大慟極口詈罵遂遇害

張體鳳字竹菴

張家莊人

庠生性恬靜孝友力學兼通詩畫

庚申秋捻匪擾及甯邑之東境體鳳率鄉人禦之衆寡不敵被執弗屈遂遇害

王炳圻字春臺

菴上村人

穎灝孫

穎灝見前志文學

幼承家學弱冠

補諸生以文行知名咸豐十年罵賊遇害事聞贈卹如例

劉善如字與同

王卞村人

增生爲賊所執迫令汲水怒曰殺

便殺耳我非爲賊役者遂被害

甯陽縣志

卷之十三

忠義傳

三

顏懷孝字順堂

泗高村人

復聖廟奉祀生成豐十一年遇賊

殉難事聞贈卹如例子士純廕主簿士湘士舉俱武生

孫錫鬻文生錫爵武生

孝義

寇難以來士民有捐身護父母而俱被害者有代父母被害而父母獲免者亦有代父而父子俱免者有代叔代兄而身或免或不免者其情與禦寇陣亡罵賊殉節似有不同要之死忠死孝其捨生取義一也又有幸而與親俱免者固屬天佑善人而當其至性所發一往不顧豈料其後此之萬死一生哉故併錄焉

安峻山

劉廷蘭

張超萬

子燦斗

甯青甲

子繼

瀛

任福東

王瀛濱

張伯忠

馮允信

甯陽縣志

卷之十三

孝義傳

三六

張傳元

于則先

柳百孝

高宗冉

齊建讓

王志玉

劉明泗

徐化同

安峻山

安家莊人

少讀書試童科不售以孝稱辛酉春捻匪

將至峻山力勸其父翰卿遠避翰卿曰吾老矣死非所

畏爾宜率家人速去無以我為念也峻山依父不忍離

未幾賊大至翰卿率眾禦之受傷峻山力救得脫暫匿

壕中賊詢知翰卿家富必欲得之適峻山為父覓飲翰

卿竟為賊得毆回其家縛樹上勒取財物繼以酷拷峻

山回至匿所覓父不得或告之故大慟曰吾父必無全

理吾何以生爲狂奔至家見賊乞以身代不聽則直前遮護賊恚刺殺峻山併以火焚殺翰卿父子同遇害

劉廷蘭字湘浦毓奎孫

毓奎見前志篤行

歲貢生枋雯子事父

母以孝稱庚申九月寇至城圯不可守居民紛紛逃潰廷蘭扶父母挈家人出城至滿莊遇賊不得前語其妻張曰寇深矣我且護父母於死中求生汝當自爲計勿辱於賊張指路旁井曰此吾死所也卽抱幼女投於井弟婦張率其二女從之其妹亦從之俱死廷蘭被執至晚得脫尋見父母暫避甯氏空宅中次早賊大至扶父

甯陽縣志

卷之十三

孝義傳

三

母越牆出賊擄廷蘭去父母俱免廷蘭尋亦投井死

張超萬字豐年

郁家莊人

監生性剛正樂善好施一方推爲

長者子燦斗字星魁庠生以支行知名庚申捻匪之變燦斗奉父避難卒遇賊超萬不屈賊怒欲加刃燦斗求以身代賊竟殺超萬燦斗挺身奪刀憤欲復仇力屈併遇害

甯青甲

滿莊人

增生咸豐庚申之變挈子繼瀛避寇中途

遇賊被劫怒罵不屈身受數創繼瀛直前救父與賊格鬪死之青甲亦遇害

任福東青川社人同治五年夏髮逆過境其繼母被擄持鎌刀奔救傷賊數處母得脫歸後羣賊踵至寡不敵衆遂被慘殺

王瀛濱字翰仙十里舖人庠生孝友端正不偶流俗庚申秋

捻匪擾及縣境瀛濱扶父避賊父老病不能行賊至欲兵之瀛濱執梃捍救被執不屈死賊義之竟釋其父

張伯忠劉家莊人同治六年其父為賊所擄質以換馬伯忠

詣賊求代父獲免伯忠遇害

馮允信字篤齋馬家寨人事父鍾崆敬養兼至里稱其孝庚

甯陽縣志 卷之十三 孝義傳 三

申之變侍父孳家避寇至柴城村遇賊衝散允信亟尋父望見在村西為賊騎所圍即奔馳往救奮與賊搏父因獲免而允信遇害

張傳元魁岸有勇力同治四年捻匪攻陷在家莊堡傳元扶母並挾其幼女衝出賊追及擄其母傳元奪賊刀回砍之立斃羣賊圍攻力竭被殺會鄰村石碣集堡發巨銃擊一騎賊墜賊賊奔母與妹俱獲免

于則先大孟村人咸豐十年秋挈家往鶴山避寇其父被賊擄去橫加毆辱則先望見即馳往奔救願以身代賊

其父脅之去竟不知所終

柳百孝

大孟村人

素肄武兩應童試未售咸豐十一年春捻

匪再至率鄉丁三百餘人禦之相持未決旋聞其父與
姪俱被擄將見殺害即往見賊願以身代父併求釋姪
賊許之即脅百孝去父姪俱免百孝自此不歸叔潤芹
被掠罵賊遇害

高宗冉

高家村人

咸豐庚申避寇南山間兄宗賢被擄乃下

見賊曰兄老矣請以身代賊見其少壯乃釋宗賢而擄
宗冉以去後不知所終

甯陽縣志

卷之十三

孝義傳

七

齊建議字巽旃沐清子

沐清見篤行

幼即力學以能文著稱

鄉塾比受業黃氏之門為督講試郡縣累擢第一仍以
第一補學籍充增廣生就館授徒循循善誘多所成就
庚申九月捻逆擾及東境建議扶老母避寇於汶陽遇
賊見其母著新衣欲掠奪建議護母直前與格鬪頭面
受重傷仆地暈絕賊以其死也委之去母竟免建議亦
甦昇歸醫愈乃捐貲倡眾環村築堡共守一方賴之同
時有細民劉申者亦護母被害母獲免

王志玉

大孟村人

農家子幼有至性以孝聞同治四年捻匪

大至擄人勒贖志玉之父景元被擄拷掠無完膚志玉
守堡望見慟哭赴救請以身代賊果釋景元而擄志玉
去不數日乘間脫歸邑令聞其孝義給扁旌之
劉明泗農家子兄明安陷於賊明泗知之見賊求代賊
釋明安歸明安之子啟甫十餘歲復詣賊中乞代其叔
賊義而併釋之

徐化同避賊於趙莊堡其父永平爲賊所掠質令取贖
化同見父危急憤呼求救詣賊自言貧不能贖願以身
代賊釋永平而拘化同鄉人義之醵金贖回父子俱免

